

STENOGRAM
43. Radne sjednice Skupštine Kantona Sarajevo,
ODRŽANE 22.10.2021. godine sa početkom rada u 09,00 sati

Predsjedavajući Elvedin Okerić (u daljem tekstu predsjedavajući):

Otvaram 43. Radnu sjednicu Skupštine Kantona Sarajevo. Himna BiH.

Pozdravljam uvažene kolegice i kolege zastupnike, članove Vlade i sve one koji prate današnji rad sjednice. Svima nama želim uspješan rad i ugodnu radnu atmosferu.

Sjednici prisustvuje 27 zastupnika što je dovoljan broj za punovažan rad i odlučivanje. Izostanak sa ove sjednice pravdali su zastupnik Čelik, Delalić, zastupnica Hodžić, zastupnik Milavica i zastupnica Kerla. Kašnjenje je najavio zastupnik Pecikoza.

Prijedlog dnevnog reda 43. Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 09.10.2021.godine na osnovu navedenog prijedloga dnevnog reda današnje 43. Radne sjednice, dnevni red glasi:

1. Poslanička/zastupnička pitanja inicijative i odgovori
2. Prijedlog odluke o potvrđivanju imenovanja ministricе Ministarstva za nauku, visoko obrazovanje i mlade Kantona Sarajevo

Molim zastupnike da se izjasne o predloženom dnevnom redu. Zaključujem glasanje. Molim službu da objavi rezultate.

Za je glasalo 29 zastupnika, protiv i suzdržanih nije bilo. Konstatujem da je Skupština za 43. Radnu sjednicu Skupštine Kantona Sarajevo usvojila dnevni red kako je i predložen.

Prelazimo na prvu tačku dnevnog reda. Dopredsjedavajući Vibor Handžić se javio.

Dopredsjedavajući Vibor Handžić:

Zahvaljujem predsjedavajući. Dobar dan svima pošto se javljam prvi put. Ja predlažem i molim da se Skupština izjasni da tačku 1 i 2 zamijenimo. To je to. Zahvaljujemo.

Predsjedavajući:

kolega dopredsjedavajući Vibor Handžić predlaže da zamijenimo tačku 1 i 2. da prvo razmatramo Prijedlog odluke o potvrđivanju imenovanja ministricе Ministarstva za nauku, visoko obrazovanje i mlade Kantona Sarajevo. Stoga molim službu da pripremi anketu za izjašnjenje a zastupnice i zastupnike da se izjasne.

Zaključujem glasanje. Molim službu da objavi rezultate. Za je glasalo 27 zastupnika, protiv i suzdržanih nije bilo. Konstatujem da je jednoglasno prihvaćen prijedlog dopredsjedavajućeg Vibora Handžića.

Prelazimo na tačku:

AD – 2.

**PRIJEDLOG ODLUKE O POTVRĐIVANJU IMENOVANJA MINISTRICE
MINISTARSTVA ZA NAUKU, VISOKO OBRAZOVANJE I MLADE KANTONA
SARAJEVO**

Materijal ste dobili uz poziv. Molim predstavnika predlagača da podnese uvodne napomene. Dopredsjedavajuća Danijela Kristić.

Dopredsjedavajuća Danijela Kristić:

zahvaljujem predsjedavajući. Pozdravljam sve prisutne i gledaoce kraj malih ekrana. Komisija za izbor i imenovanje i administrativna pitanja Skupštine Kantona Sarajevo na sjednici

održanoj dana 09.10.2021.godine utvrdila je Prijedlog odluke o potvrđivanju imenovanja ministricice Ministarstva za nauku, visoko obrazovanje i mlade Kantona Sarajevo, koju vam sa kompletnom dokumentacijom dostavljamo na razmatranje i donošenje. Hvala.

Predsjedavajući:

zahvaljujemo se dopredsjedavajućoj Kristić. Da li predstavnici radnih tijela žele riječ? Ima li pitanja? Otvaram raspravu. Zastupnik Mahir Dević.

Poslanik/zastupnik Mahir Dević:

hvala predsjedavajući. Ja se se bio prijavio za pitanja, nekako ste brzo prešli. Hoćemo li imati neko uvodno izlaganje od strane kandidatkinje za ministricu ili premijera, neki ekspozé, neki program rada pa da onda pitamo. Ili kako ste zamislili to?

Predsjedavajući,.

Evo premijer se javlja. Premijeru izvolite.

Premijer Edin Forto:

dobar dan svima. Samo ću kratko. Koliko sam upoznat s procedurom i načinom koji smo prije radili ja ću vas kratko izvijestiti o imenovanju. Pitanja možete uputiti meni, a pitanja ministrici ukoliko je izaberete, možete uputiti svaku sljedeću sjednicu. Tako smo radili i prije i ja ću se držati toga. Ono što moram prvo reći kod ovog imenovanja, i što bih volio reći je činjenica da želim čestitati ovoj većini koja bira ove ministre jer opet ćemo imati četiri ministricice u ovoj Vladi, što je izrazito bitno imajući u vidu da nikada nismo imali više od dvije, do 2019 kada su bile tri. Znači četiri ministricice. Podsjećam na Zakon koji predviđa da imamo minimalno 40% manje zastupljenog spola, što bilo pet muškaraca minimalno ili pet žena minimalno. I nadam se da ćemo već nakon sljedećih izbora imati to, bilo koja većina da bude u pitanju. Ono što iskustvo pokazuje da insistiranje na ovome proizvodi veći kvalitet za građane i bolja imenovanja za Vladu. Kandidatkinja za ministricu Aleksandra Nikolić, ono što je karakteristično za osobu koju želimo da predstavlja i da se bori sa izazovima vezanim za visoko obrazovanje, nešto što nju definiše kao dobru kandidatkinju, kao idealnu kandidatkinju je činjenica da je od 1990 zaposlena na UNSA. Ovo je osoba koja je prošla kroz sve nivoe napredovanja kod svog prvog poslodavca od 1990 godine uključujući i cijeli ratni period. Aleksandra Nikolić je trenutno redovna profesorica na Poljoprivrednom i prehrambenom fakultetu. I ono što je posebno bitno za nas, kao većinu, za Vladu kao izvršni organ je činjenica da je od strane Europske asocijacije univerziteta imenovana kao ekspert za reformu visokog obrazovanja. Znači europski ekspert za reformu visokog obrazovanja. Želim čestitati većini koja je u ovom slučaju jednoglasno predložila nestranačkog eksperta za ovaj kratki period koji nam preostaje da uradimo neke vrlo teške korake. I ja ću reći pošto ministrica danas to ne može, ja ću reći koje su osnovne tri stvari. Prva stvar je Zakon o viskom obrazovanju i to je cilj koji treba da postignemo kao većina i kao Vlada. Zatim moramo se pridržavati Zakona o naučno istraživačkoj djelatnosti koji nije bio u fokusu prethodnih većina, a to je činjenica da za naučno istraživački rad moramo izdvojiti daleko više od onoga što smo radili do sada. Podsjećam da su sve prethodne Vlade radile 500.000 KM godišnje. Naša prava Vlada, u prvom dijelu mandata šestorka mislim da je bilo 1,6 miliona u 2019, što je bio rekord. U ovoj godini smo imali 3 miliona KM za to izdvajanje. A za sljedeću godinu onako kako smo i dogovorili kada smo formirali ovu većinu u ovom dijelu mandata, očekujemo da će biti 5 miliona KM. I naravno, integracija UNSA koja je jedna operativna stvar koja je trenutno najbitnija za akademsku zajednicu na UNSA. Dakle to su tri izazova koja su za ovako kratko vrijeme izrazito zahtjevna. Novi Zakon, budžet koji je potreban za naučno istraživačku zajednicu i činjenica da smo u sred procesa integracije UNSA, dakle bit će više nego dovoljno posla za buduću ministricu. Ja vas molim da podržite i za sva pitanja sam ovdje ja na

raspolaganju , a ministrica će biti za sva pitanja na raspolaganju za svaku sljedeću sjednicu. Hvala.

Predsjedavajući:

zahvaljujemo se premijeru. Zastupnica Jasna Duraković.

Poslanik/zastupnik Jasna Duraković:

zahvaljujem predsjedavajući. Srdačno pozdravljam sve prisutne kao i gledaoce pored malih ekrana danas koji prate rad današnje sjednice. Ja sam također imala potrebu da se javim kratku diskusiju da iznesem ali evo uvidjevši da je premijer sada već rekao neke ključne stvari. Drago mi je i zahvaljujem se što je dao neku malu uvertiru. Ja ću biti vrlo kratka. Moram napraviti kratku uvertiru i ukazati na važnost visokog obrazovanja. Društva je kroz istoriju moguće razlikovati po načinu proizvodnje, po političkoj vlasti, po običajima, po kulturi, koju narod živi, ali i po obrazovanju ljudi, posebno po kvaliteti obrazovnog sistema kojim društvo raspolaže. Visoko obrazovanje je važan dio rješenja za naše trenutne probleme. Jaki odgovor na sistem visokog obrazovanja pruža osnovu za uspješna društva koja počivaju na znanju. Visoko obrazovanje treba da bude u središtu naših nastojanja da prevaziđemo krizu i to sada više nego ikada. Mi moramo konačno shvatiti koliko je važno ulagati u visoko obrazovanje i nauku i čuvati ovaj resor kao društveno blago, kao javno dobro a ne sni slučajno kao zakulisno privatno vlasništvo gdje se nameću pogrešne politike, potencijalno pogubne za visoko obrazovanje. Isti takav odnos moramo imati i prema UNSA. Moramo znati koliko truda i rada, otvorene komunikacije između različitih interesnih grupa, istraživanja, posvećenosti, ljudskih i materijalnih kapaciteta se mora uložiti da se podigne nivo obrazovnog sistema, da se unaprijedi kvalitet nastave i podignu standardi kroz adekvatne i primjenjive zakonske ideje i rješenja. Dakle jedino na ovakav način, prihvatanjem odgovornosti, ne bježanjem od kritika i postojećih problema ispravno ulažemo u izgradnju društva znanja i društva koje će kao takve podsticati svoje mlade, pametne talentovane ljude da u svojoj zemlji sretni žive od svog rada i daju doprinos ekonomskom obrazovnom, kulturnom i svakom drugom razvoju društva. Kada govorimo o situaciji u kojoj smo se na žalost sada zatekli, gdje je preostale evo nepunih godinu dana da pokušamo uspostaviti kvalitetan sistem visokog obrazovanja, kroz adekvatna zakonska rješenja u Kantonu Sarajevo, zasigurno možemo reći da će ovaj resor biti prepun izazova, no iskreno želim da vjerujem da će gospođa Nikolić uspješno prevazići sve eventualne pritiske prepreke i probleme s kojima će se vrlo vjerovatno suočiti već u prvoj sedmici rada. No s druge strane, ako se osvrnemo na njene izvrsne reference, sposobnosti, na njenu blistavu akademsku karijeru i dugogodišnje radno iskustvo na UNSA naprosto nemam sumnje da se neće snaći. U tom kontekstu duboko se nadam da ćete biti gđo Nikolić otvoreni za sve prijedloge, sugestije, pa i dobronamjerne kritike koje će dolaziti prvo iz skupštinskih klupa, i naravno od ostalih. Da ćete otvoriti sve raspoložive komunikacije kanale i biti spremni na pregovore sa različitim interesnim grupama i sve to u cilju pronalaska najboljeg rješenja za sve uključene strane. Ako se bude radilo na novom Zakonu o visokom obrazovanju, iskreno se nadam da pogotovo tada nećete zanemariti prijedloge i kritike svih onih koji jesu u konačnici krajnji korisnici tog istog Zakona. Prioritet u svemu nam mora biti javni interes, što u osnovi znači da on ne smije podlijegati pritiscima privatnih ili uskogrudnih političkih interesa. Ukoliko danas budete imenovani, ja se duboko nadam da hoćete, ja ću vam poželjeti sreću, uspjeh u radu na čelu ovog resora u nadi da ćemo kontinuirano graditi dobre odnose i kvalitetnu saradnju i to u cilju naravno postizanja željenih rezultata. Toliko i zahvaljujem.

Predsjedavajući:

zastupnik Elmedin Konaković.

Poslanik/zastupnik Elmedin Konaković:

zahvaljujem predsjedavajući. Srdačno pozdravljam sve vas u sali, ljude koji nas putem malih ekrana gledaju. Hoću samo da kažem nekoliko rečenica za mene vrlo važnih. Sa dva aspekta želim prokomentarisati ovo današnje imenovanje. Prije svega zahvaliti ste gospođi Nikolić zato što je prihvatila ili odlučila da prihvati jedan ovakav izazov koji većina njenih kolega nije i ne bi. Što je mogu slobodno reći iz komotnije pozicije sa puno manje pritiska, vjerovatno i puno boljim primanjima odlučila da uđe u ovaj ring ,u ovu prljavu političku arenu u kojem se ne biraju sredstva da joj se u budućnosti oteža njen rad. Za mene je to sa ljudskog aspekta jedna velika stvari moram joj na tome lično, javno čestitati i izraziti svoje zadovoljstvo da danas ovakvu kandidatkinju imamo kao prijedlog za resornu ministricu u ovoj veoma važnoj oblasti. Neću puno o detaljima Zakona o visokom obrazovanju. Za mene je ovo važnija tema u kojoj nakon svega što se u ovoj ovdje sali dešava većina ljudi nije spremna uhvatiti se u koštac sa ovim problemom i moram reći da sam imao mali strah kako ćemo i na koji način realizirati ovo imenovanje prije evo samo nekoliko sedmica dok nismo obavili razgovor sa današnjom kandidatkinjom. I moram reći još jednom kvalitetnom kandidatkinjom koja je bila u najužem izboru. Za mene to kao čovjeku koji se bavi ovim teškim i prljavim poslom jedna velika pozitivna činjenica da ipak ima dovoljno hrabrih i odgovornih a prije svega kvalitetnih stručnih ljudi koji se žele baviti problemima ovog društva i ove zajednice. Ko nije, neka pogleda CV današnje kandidatkinje, neka se uvjeri u njene kvalitete i ja moram reći, imam i lična iskustva iz proteklih mandata sa gospođom Nikolić koja je bila prorektor na UNSA vrlo dobro je upoznata sa tom problematikom. Upoznat sam i sa metodama i načinom njenog rada i zato sam ohrabren da ćemo ove velike izazove u oblasti visokog obrazovanja i nauke uspješno rješavati evo ovu godinu i nadam se naredni mandat. Ja nema dilemu ovu koju ima premijer Forto oko nastavka i kontinuiteta ove skupštinske većine. Hvala.

Predsjedavajući.

Može izvolite. Zastupnik Mahir Dević.

Poslanik/zastupnik Mahir Dević:

imali smo neko uvodno izlaganje premijera. Pa smo trebali valjda da budemo na pitanja, ja koliko vidim mi smo otišli na diskusiju. Nisam htio da prekidam evo prethodnog govornika, kolegica Duraković je diskutovala i kolega Konaković. Jesmo li malo poremetili ovo? Pitanja završili jel?

Predsjedavajući.

da.

Poslanik/zastupnik Mahir Dević.

Pa kada? Bio je uvod premijera, ja čekam. Ja sam mislio da se kolegica Jasna javila za pitanja.

Predsjedavajući:

poslovnička intervencija zastupnik Konaković.

Poslanik/zastupnik Elmedin Konaković.

Ko nije nek pogleda i nek uzme zapisnik sa današnje sjednice. U dugih ste rokovima, onako kako treba, dali uvodničaru i predlagачu Komisije za izbor i imenovanje da napravi uvodno izlaganje. Onda ste rekli da li ima pitanja. Sačekali ste sigurno barem desetak sekundi. Niko se od nas nije javio i otvorili ste diskusiju. Tako da vas molim da u nastavku ispoštujemo poslovničku proceduru. Hvala.

Predsjedavajući.

Zastupnik Aljoša Čampara poslovnička ili replika.

Poslanik/zastupnik Aljoša Čampara:

kako god hoćete predsjedavajući, potpuno mi je svejedno ali ja vas molim da se strogo držimo Poslovnika. Dakle prije nekih pet minuta ili prije 10 minuta smo mogli svi svjedočiti ovdje kako ste vodili sjednicu, da ste otvorili, da ste pitali ima li iko za pitanja, niko se nije javio i prešli smo na diskusije. Sada naknadna pamet pojedinaca kako njima odgovora, kako možda nisu u momentu slušali, ili im nije odgovaralo, ja mislim da ne bi smo trebali kršiti Poslovnik i trebamo nastaviti dalje sa ovom sjednicom. Dakle, u fazi smo diskusija. Hvala.

Predsjedavajući:

ispravka krivog navoda zastupnik Zahiragić.

Poslanik/zastupnik Haris Zahiragić:

uvaženi predsjedavajući sada nakon što su kolega Konaković i kolega Čampara kazali ja sam na YouTube premotao i pustio da vidim da li ste pitali ima li pitanja nakon što je gospodina Forto završio. Neposredno nakon što je on završio vi ste dali riječ kolegici Jasni Duraković koja je otvorila diskusiju. Tako da imala je diskusiju prije nego što su zaista bila omogućena pitanja. Ukoliko ste u nekom drugom dijelu kazali ja prihvatam, ali sam ovdje slušao.

Predsjedavajući.

Neću nikome dozvoliti više ništa na ovu temu. Idemo dalje. Nema potrebe, ja vodim sjednicu. Zastupnik, nastavljamo dalje sa diskusijom, zastupnik Damir Marjanović.

Poslanik/zastupnik Damir Marjanović:

ja vam se zahvaljujem, neka mi niko ne zamjeri, ja ću se vratiti na temu koju ovdje imamo. Danas pričamo o onome što se zove imenovanje ministrice za visoko obrazovanje i nauku i mlade Kantona Sarajevo. Izuzetna mi je čast i zadovoljstvo da kažem onaj bitniji dio za mene kao naučnika koji je dio ove Skupštine sam dobro analizirao kod uvažene profesorice kolegice Nikolić i ne znam koliko će vama ovdje značiti ali me je jako obradovalo kada sam vidio i broj citata ali i kada sam vidio između ostalog da je već u ovoj 2021 godini uvažena profesorica Nikolić objavila sa svojim kolegama jedan znanstveni rad u Q1 časopisu koji je već citiran, kažem već citiram. Ovo govorim 29 puta. Što to znači? Da jako dobro poznaje što jeste nauka, da iza sebe ima jedan jako dobar naučno istraživački bekgraund i ima jako dobre rezultate i da jako dobro zna što jesu a što nisu kvalitetne znanstvene objave a to je jako bitno za onoga tko želi u narednom periodu na neki način da rukovodi ovim jako bitnim segmentom Kantona Sarajevo koji se zove nauka i visoko obrazovanje. Na tome joj uistinu kao kolega i profesor čestitam. Profesorica Nikolić pored onoga što se zove naučni bekgraund i profesorski bekgraund ima i nešto, koliko sam mogao iz biografije da vidim, to je iskustvo rada u političkim strukturama u kabinetima uvaženih koliko se sjećam Tatjane Ljujić-Mijatović ako sam u pravu, a i s druge strane ima jednu jako bitnu komponentu koja je mnogo više administrativna a ne obrazovna i znanstvena a to je da je bila prorektorica UNSA. Oni koji su obnašali tu dužnost, i oni koji su u dio UNSA znaju koliki je to izazov i prema svim informacijama i referencama, tu poziciju je obnašala izuzetno dobro a iza nje su ostali jako dobri rezultati u tom periodu. Siguran sam da jako dobro poznaje stanje na UNSA. Siguran sam da jako dobro poznaje stanje u oblasti visokog obrazovanja u Kantonu Sarajevo, koje je malo i šire od onoga što UNSA sam jeste. Siguran sam da jako dobro poznaje sve prednosti koje mi kao Kanton Sarajevo imamo i možemo dodatno pružiti ali sve mane s kojima se susrećemo u proteklih 25 godina. Siguran sam da jako dobro poznata sa trenutnim pozicijama našeg najjačeg državnog UNSA, ali i svih ostalih univerziteta Kantona Sarajevo u

regionalnom i u europskom smislu, i siguran sam da će ovih godinu, onoliko koliko joj to bude u mogućnosti, koliko joj bude omogućeno primarno od kolega iz Vlade Kantona Sarajevo ali i od kolega Skupštine Kantona Sarajevo ali i od kolega iz akademske zajednice mnogo toga dobrog uraditi jer vjerovali ili ne, u godini dana posebno ovo sve što je premijer Forto nabrojao, a jako me ohrabruje se može mnogo toga dobrog uraditi i jedan dobar temelj postaviti da neke stvari koje su škripale, hajte da budemo iskreni škripale u zadnjih 20 godina budu korigovane. To se neće brzo desiti ali prof Nikolić svojim znanjem, snagom i energijom ima, to znam, može stvarno pokrenuti neke procese u onom pravcu, a shodno onome što je napisano u projektu i u dokumentu koji je ova vladajuća većina na neki način prihvatila kao vodilju, pa čak iz oblasti nauke i obrazovanja. Svakako dozvolite mi da se podsjetim nečega što je bilo prije desetak godina. Jedne vrlo slične stvari, kada se u jednoj tranziciji Vlade Kantona Sarajevo pojavio jedan novi ministar koji je zatekao jedan nacrt Zakona tada, 2012 godine, koji je prethodna skupštinska većina predlagala, a u nekih 10 mjeseci smo taj Zakon uz manje modifikacije uspjeli da usvojimo. Bilo mi je ponekad malo i zanimljivo da vidim kako oni koji su predlagali Zakon dok su bili skupštinska većina, kako su ta ista rješenja kritikovali kada je taj Zakon dolazio na scenu. To jednostavno tako kako jeste. To je politika, siguran sam i nadam se i mogu reći da sam ubijeden da će profesorica Nikolić jako dobro razdvojiti ono što se zove obrazovna politika koja vodi ka onome što se zove napredak u obrazovanju, od onoga što se zove miješanje dnevne politike, koje nerijetko dovodi do možda nekih kratkoročnih popularnih ali ne pretjerano efikasnih rješenja. Još jednom zahvaljujem se profesorici Nikolić što je iz jedne zone komfora kako je kolega Konaković to rekao odlučila da žrtvuje svoju akademsku godinu koja evo kao što vidite počela je sa jednim velikim, jednom jako dobrom publikacijom, siguran sam da tih publikacija će biti još, ali da će na neki način taj broj publikacija malo da trpi u narednom periodu. Siguran sam da, ustvari dugujemo veliku zahvalnost kao njen kolega i kao član ove Skupštine i siguran sam da će kolegica Nikolić upravo onim tempom, žarom i energijom, koju je uložila u naučno istraživačku djelatnost, u unapređenje UNSA, doprinijeti i nastaviti one sve pozitivne stvari koje su urađene u proteklom periodu. Sada je tu glavno oružje, koje je već uspostavljeno, uvažena prof Melika Husić-Mehmedović je odigrala jednu veliku ulogu u uspostavljanju ovoga novog Ministarstva. Koliko sam vidio imamo čak i neku odluku Ustavnog suda koje su otprilike stavile kako sam ih ja stavio tačku na i vezano za postojanje tog ministarstva. Oruđe je tu, planovi su tu, odlična osoba na toj poziciji je tu, radujem se narednoj suradnji na dobrobit svih onih i svih nas ovdje koji uistinu želimo da obrazovanje u Kantonu Sarajevo, bude primjer kako obrazovanje u BIH treba da se razvija. Posebno govorim o aspektu visokog obrazovanja i da svojim primjerom pokažemo kako ova država može bolje jer nadam se da smo svi svjesni toga da Kanton Sarajevo nije samo administrativna jedinica nego glavni grad i pokretač lokomotiva ove države koja se u zadnje vrijeme susreće sa velikim izazovima. Još jednom hvala vam profesorice Nikolić i puna podrška vašem imenovanju.

Predsjedavajući:

zastupnica Segmedina Srna Bajramović.

Poslanik/zastupnik Segmedina Srna Bajramović.

Zahvaljujem predsjedavajući. Pozdravljam sve prisutne. Za početak složiti ćemo se svi da je obrazovanje zlatni ključ slobode te da stoga odgajanje i učenje mora biti neprestano. Govorim dakle o osnovnom ljudskom pravu koje je javno dobro. I javna odgovornost te je naša zakonodavna uloga iz tog aspekta izuzetno značajna. Bojim se kako je u prethodnom periodu bila višeznačna. Nekada smo procese gurali naprijed, nekada ih zaustavljali, nekada činili dobro, nekada loše. Donosili odluke pod pritiscima, urušavali standarde, pa se vraćali na početak i sve tako u krug. Nekada imam osjećaj da kada tema visokog obrazovanja uđe u Skupštinu otvori sebi vrata Danteovog pakla. Uvijek je sve lijepo upakovano u dobre namjere,

a suštinski sve ima potpuno drugu vrijednost. Svima nama je jasno kako bi obrazovanje trebalo da predstavlja nacionalni interes svake zemlje i ono mora biti iznad političkih i ideoloških podjela koje slijede promjenu političkog diskursa. U uslovima brzih promjena u zemljama tranzicije uloga obrazovanja je još veća, ali se ne prepoznaje uvijek u pravom kontekstu zbog više različitih faktora. Na kraju, neosporno je bogatstvo biografije kandidatkinje, kada je u pitanju oblast visokog obrazovanja i ono što želim naglasiti jeste da se stavljam na raspolaganje za sve što u svom kapacitetu ili što smatrate da mogu u interesu razvoja interesa visokog obrazovanja. Želim vam svu sreću ovoga svijeta, vjerujući kako ste svjesni kako je depolitizacija visokog obrazovanja jedna od ključnih borbi koja vas čeka. Naše visoko obrazovanje se prvo mora pročistiti iznutra da politička pripadnost ne bude najvažnija referenca za sudjelovanje u sistemu visokog obrazovanja kao što je to sada što je potpuno neprihvatljivo i otežavajućoj ekonomskoj zajednici. Drugi aspekt je komercijalizacija visokog obrazovanja na rubnih dijelovima Kantona Sarajevo gdje diploma više nije ogledalo znanja nego jasno utvrđene vrijednosti novca, što po prirodi posljedica uništava i visoko obrazovanje i društvo u cjelini. Kada se to uradi, kada kriterij ulaska ne bude uslovljen socijalno političkom podobnošću nego bude filtriran stručnošću, sposobnošću, i obrazovanjem onda imamo nade za razmišljanje o razvoju visokog obrazovanja na evropskim temeljima. Sticanje znanja znači presudnu pretpostavku za svaki uspjeh. A početak uspjeha mora biti u prepoznavanju moći znanja. Toliko, zahvaljujem.

Predsjedavajući:
dopredsjedavajući Vibor Handžić.

Dopredsjedavajući Vibor Handžić.

Zahvaljujem predsjedavajući. Ja ću imati jako kratku diskusiju. Jako sam sretan i zadovoljan da imamo danas pred nama kandidatkinju sa ovakvim backgroundom u visokom obrazovanju i sa ovakvim CV. Kao neko ko je učestvovao da tako kažem u ovim razgovorima oko prijedloga kandidata konačnog, moram reći i potvrditi ono što je kolega Konaković rekao da smo imali zaista u užem izboru dvije sjajne kandidatkinje i eto da smo za nijansu jednoglasno odlučili da gospođa Nikolić bude kandidatkinja za ministricu visokog obrazovanja. Iskreno da kažem prethodnih mjesec dana bio sam poprilično zabrinut nakon svega što se u prethodnom periodu dešavalo vezano za ovu temu a i što je generalno visoko obrazovanje s obzirom na krajnje korisnike koji crpe rad ovog resora koji su mislim u pozitivnom smislu specifična kategorija, što sa sobom nosi i na ono sve šta se dešavalo, da postoji trenutno jako mali broj ljudi ili da ne postoji niko sa tako dobrim backgroundom ko bi se uhvatio u koštac nakon svih dešavanja sa onim što je u ovom resoru potrebno i s obzirom na značaj svega onoga čime se on bavi i šta znači za svoje krajnje korisnike i društvo u cjelini. Pred ministricom su, evo to je premijer u svom kratkom izlaganju izložio neka tri ključna, pored svih ostalih operativnih stvari zadatka koji su potpuno realni u ovom periodu do kraja ovog mandata kojih je ostalo, dakle donošenje Zakona o visokom obrazovanju, završetak pravne integracije UNSA i ovaj proces povećanja budžetskog iznosa za naučno istraživačke projekte koji naravno treba se boriti kontinuirano da on kako bude budžet rastao bude uvećavan iz godine u godinu. I to je ono što ćemo mi sada težiti da udarimo neke temelje a što će nadam se ostati jedan dugoročna budžetska stavka sa povećanim iznosom kako treba da bude. S obzirom da je ovo mjesto za diskusiju, neću imati priliku da se javim ponovo, želim u ime Kluba zastupnika Naše stranke da čestitam budućoj ministrici Aleksandru Nikolić, ukoliko bude izabrana. Uopšte nemam nikakve sumnje, zahvaljujem.

Predsjedavajući.
Zastupnik Mahir Dević.

Poslanik/zastupnik Mahir Dević:

hvala predsjedavajući. Izuzetno važan resor obrazovanja i način na koji smo izvršili prezentaciju današnjeg imenovanja ili predlaganja navedene ministricice je u najmanju ruku vrlo štur ili vrlo da kažem neprofesionalan. Kao što jedan od kolega u prethodnim godinama govorili ima nas ovdje koji smo škole redovno završili, ove fakultete. Tako da znamo te procedure, znamo šta je trebalo uraditi, šta nije. U mojoj diskusiji kada sam spomenuo ta pitanja, naravno da nije bilo pitanja nakon što je ministar predstavio ministricu, što mislim da nije OK ali nisam želio zaista na ovim procedurama da raspravljamo, nema potrebe. Ali sam način na koji dolazimo do imenovanja ministricice u najmanju ruku ne obećaje. Bojim se da ćemo ponovo doživjeti onu situaciju pčelarskim rječnikom kazano da puno se zuji a malo meda daje. Tako da ta predstava i ta neka priča koju mi doživljavamo za javnost, nisam siguran da će nam donijeti bilo šta dobro. Premijera smo vrlo šturo čuli gdje je u ime ministre, kako on kaže, iznio da će se baviti Zakonom, da će se sredstvima za nauku, i integracijom UNSA. To je tri stvari koje je naveo ministar. Pretpostavljam da kandidatkinja ima jednu ozbiljnu biografiju i da je trebala na neki način da nam se obrati, da se predstavi i da kaže šta će raditi u narednom periodu u ovoj godini dana jer je jako puno problema u visokom obrazovanju. Vrlo šturo smo dobili teme koje se nalaze u Skupštini Kantona Sarajevo, evo u posljednje dvije godina dana i nikako da dožive neki uspjeh. Da dožive neku reformu itd. Naravno osnovni argument o imenovanju ministricice je da je ona prevažna, da je prehrabra. Hvala joj što je prihvatila uopće da bude kandidat za ministra u jednoj ovako izuzetno teškoj situaciji. Također evo i u ime Kluba zahvaljujemo se što je napustila ovu zonu komfora. Kao da mi sada nekoga molimo da bude ministar u Vladi Kantona Sarajevo. I ovo je već po drugi ili po treći put da mi slušamo ovakvu vrstu obrazloženja prilikom imenovanja Vlade ili eventualno ili dopunu Vlade sa nekim od ministara. Ne obećava nam ovo. Naravno treba dati priliku svakom ministru da pokaže ono što zna. O profesionalnim kompetencijama kandidatkinje za ministricu ne mogu govoriti. Vrijeme će pokazati šta će se desiti ukupno u ovom resoru ali ponavljam još jednom: način na koji dolazimo do imenovanja ministricice ne obećava, uzimajući u obzir argumentaciju iskustvo koje je korišteno u prethodnom periodu. U svakom slučaju još jedna od jako naglašenih referenci od strane premijera jeste da je ministrica, pa i prije bila ministrica ako sam dobro razumio, bila je žena. Tako da ponavljam još jednom način na koji smo izvršili prezentaciju ministricice nama ne obećava i mi kao Klub nećemo glasati naravno protiv imenovanja ministricice, bit ćemo suzdržani jer ćemo joj dati priliku da pokaže u ovih godinu dana da li je u stanju nešto da uradi pa ćemo na takav način njen rad ocijeniti. Zahvaljujem predsjedavajući.

Predsjedavajući:

replika, zastupnik Elmedin Konaković.

Poslanik/zastupnik Elmedin Konaković:

ma imam potrebu radi javnosti a posebno radi ministricice koja možda nije pratila prije ove procedure pa možda može steći dojam da je to što govori kolega Dević istina, a nije. Nikada se u ovoj sali ni kada je premijer bio Forto, ni kada je premijer bio Nenadić, ni kada je premijer bio Konaković, ni kada je premijer bio Zolj, ni kada je premijer bio Kozadra, ni kada je premijer bio Musić, nisu kršile procedure na način kako predlaže kolega Dević. Uvijek je premijer taj koji kod imenovanja Vlade predlaže ili objašnjava ekspozeom šta će Vlada raditi. Uvijek je u slučaju zamjene ministara a donijet ću vam njegovu i moju raspravu sa nekoliko sjednica, iz vremena kada sam ja bio predsjedavajući Komisije za izbor i imenovanja, iz vremena kada je on bio predsjedavajući Komisije za izbor i imenovanja i našu raspravu ko je uvodničar i ko je predlagatelj po temama koje su tačke dnevnog reda na osnovu prijedloga Komisije za izbor. Neću danas, to ću vam donijeti, isprintat ću vam i donijet ću. Dakle u ovoj sali, buduća ministricice nikada ovo što kolega Dević traži nije bila praksa. Niti je to

Poslovníkom predviđeno. Ne kaŕem da se u nekoj formi moŕda ne bi moglo kada i za to postojala potreba. Dakle ovdje je premijer ima svoj kabinet, on broji 12 ljudi. Predloŕi ga i prođe se ista ova procedura. Komisija za izbor i imenovanja a onda on ima ekspozice koji je predviđen Poslovníkom. U ovakvim slućajevima korektno od premijera Forte da je objasnio nekoliko stvari. Nikada pojedinaćno jedan ministar nije imao obavezu nabrojao sam sve, znam da ni kod Denisa Zvizdića, ni kod Silajdŕića, ni kod Mehmedića to nije bila praksa. Dakle danas nije bilo potrebe ovo ŕto govori kolega Dević, nije taćno i nije istina. Hvala.

Predsjedavajući.

Replika zastupnik Mahir Dević.

Poslanik/zastupnik Mahir Dević:

naravno ja sam kazao da je bila potreba da ćujemo ŕta bi to ministrica radila. Referirao sam se na situaciju koju je premijer tu ulogu preuzeo i da smo izostavili procedure da postavimo pitanja. I opisao sam ovu jednu cijelu ŕto kaŕu situaciju. Slaŕem se s kolegom Konakovićem apsolutno da se procedure u Skupŕtini Kantona Sarajevo nikada viŕe nisu krŕile kao u ovom mandatu. Samo je zaboravio reći da je on autor krŕenja svih tih procedura i tu se slaŕemo. I tu nema dileme. O tome govore naravno i ovi zahtjevi za ocjenu ustavnosti, presude ustavnog, da se ne vraćamo sada na to. Ja sam rekao da naćin na koji dolazimo do imenovanja ministrice nije, po meni, ne obećava. Iz tog razloga mi kao Klub ćemo biti suzdrŕani, nećemo dati podrŕku takvom imenovanju. Hvala predsjedavajući.

Predsjedavajući:

replika ili diskusija? Imam odgovor na repliku ima prednost. Zastupnik Konaković.

Poslanik/zastupnik Elmedin Konaković:

samo jedno kratko pitanje, hipotetićko. Dakle da je ministrica izaŕla i prezentirala SDA bi kao glasala za njeno imenovanje ako bi bila zadovoljna ovim ŕto ministrica najavljuje. To mi je nekako zaparalo uŕli od kolege Devića.

Predsjedavajući:

odgovor na repliku Mahir Dević.

Poslanik/zastupnik Mahir Dević:

evo ja ŕto se nas tiće mi ne ŕelimo da troŕimo vrijeme kolega Konaković oćigledno ide u tom pravcu. Rekao sam da bi donijeli odluku moŕda i drugaćiju. Ovako nekako nam je ovo ne obećava apsolutno ovo da će se neŕto ozbiljno desiti. Tako da ćemo biti suzdrŕani na imenovanju ministrice.

Predsjedavajući:

hvala. Zastupnik Damir Nikŕić replika.

Poslanik/zastupnik Damir Nikŕić.

Maloprije smo imali kritiku s pćelarskim jezikom da se puno zuji a malo obećava. A sada se od nas traŕi da obećavamo i da zujimo. Ja samo da pitam jesmo li mi trebali neki teferić neki da napravimo zbog nove ministrice? Jel to neki obićaj narodni koji se radi kada se imenuje? Jel to po Poslovníku? Ako treba teferić moŕda će to smiriti. Eto toliko.

Predsjedavajući.

Joŕ jedna replika Haris Zahiragić neću viŕe dozvoliti na ovo. Izvolite.

Poslanik/zastupnik Haris Zahiragić.

Samo kratko. Mislim da nije primjereno da govorimo na način da bi trebalo da se organizuje teferič itd. To što je kolega Dević očekivao da nakon nekoliko mjeseci neimanja ministrice ili ministra i velikog broja problema u oblasti visokog obrazovanja bi bilo za shodno da smo čuli eventualno šta to ministrica planira uraditi u ostatku mandata, nije zaslužio. Kandidat za ministricu. I predsjedavajući možete li zamoliti kolegu Nikšića da ne dobacuje molim vas. Nije trebalo da ode rasprava uopšte u ovom smjeru i predlažem da nastavimo diskutovati o oblasti visokog obrazovanja i onoga što stoji pred ministricom a da replike i teferiče i koride, ma šta time kolega Nikšić želio imputirati, ipak ostavimo za Fejsbuka i društvenih mreža i eventualno nekih drugih mjesta.

Predsjedavajući:

neću više dati repliku na ovo pitanje ali evo sada ću ja pojasniti kao predsjedavajući Skupštine. Dali smo riječ premijeru koji je objasnio kolegi Deviću kada je tražio možemo li očekivati neki ekspeze, neko predstavljanje. Javnost je dobila objašnjenje. Zastupnik, čak ste i vi kolega Deviću dobili bogatu biografiju kandidatkinje za ministricu. Javnost je upoznata. Ne znam zbog čega sada pravimo ovu predstavu dodatno, apsolutno viška. Pa vi kolega Deviću. Od samog početka. Kršimo proceduru, Poslovnik, želimo ovo, želimo ono, apsolutno viška i neću više dozvoliti na ovu temu ni replike ni dodatnu neku raspravu.

Zastupnik Vedran Jakupović.

Poslanik/zastupnik Vedran Jakupović.

Zahvaljujem predsjedavajući. Pozdravljam sve kolege i gledaoce. Koliko god se kolegi Mahiru Deviću ne činilo da je tek tako lako naći ministra, posebno visokog obrazovanja, mogu reći da je dobro prošao pa nije u poziciji da traži ministra visokog obrazovanja. Nadam se da neće još dugo biti u poziciji da on traži ministra. Realno stanje na UNSA način rada na UNSA, plate na UNSA, i mnogi drugi benefiti, posebno ako imamo dodatni momenat u pitanju, a to je da je ministrica će biti na ovoj poziciji tek godinu dana, odnosno samo godinu dolazi do ovog zaključka da je vrlo teško, ili mogu slobodno reći nemoguće naći ministra. Ja ću samo kratko dvije stvari da tako kažem dopuniti premijera Fortu. Prva stvar kada je riječ o Zakonu o visokom obrazovanju. Imali smo priliku da ide u nacrtu, da taj nacrt promijenimo i dopunimo onim stvarima koje naša akademska zajednica tražila i te stvari ćemo u novom nacrtu zasigurno dopuniti. Stvari koje nisu bile jasne, obrazložiti, pojasniti, i pokušati da na svaki mogući način izbjegnemo moguće nejasnoće i manipulacije po pitanju provođenja tog Zakona. Druga stvar kada je riječ o naučno istraživačkom radu, posebno o ovom segmentu finansiranja naučno istraživačkog rada. Da istina je da smo im višestruko povećali iznose za naučno istraživački rad, i ono što će biti obaveza u budućnosti da na pravi način potrošimo taj novac, odnosno da ga iskoristimo istinski u pravcu poboljšanja naučno istraživačkog rada a ovo se posebno odnosi na intenziviranje i pomoć u izdavanju naučnih časopisa u Kantonu Sarajevo odnosno u BIH. I treća stvar koju niko do sada nije spomenuo je pitanje mladih a ovo ministarstvo ima čak u svom imenu podresor mladih. I očekujem, pošto ovo Ministarstvo vodi procese a mladima su da tako kažem mladima se bave i Ministarstvo zdravstva i Ministarstvo socijalne politike, Ministarstvo kulture i sporta itd, da ovo Ministarstvo bude predvodnik promjena u odnosu prema mladima koje smo mi inicirali pred samu korona i pred samu smjenu prethodne Vlade na tematskoj sjednici u decembru 2019 i evo očekujem da nova ministrica i taj segment u narednom periodu, tokom proljeća, maksimalno pokrene da mladi dobiju. Evo neke smo stvari kada je riječ o stanogradnji promijenili, i poboljšali. Ali mladi zaslužuju puno više pažnje nego što su imali do sada. Čestitam i zahvaljujem ministrici. Ne znam jel se treba čestitati prije imenovanja ali nadam se da će do imenovanja doći. I nadam se da ćemo uspješno surađivati u naravno apsolutna podrška u budućem radu. Hvala.

Predsjedavajući:
zastupnik Haris Zahiragić.

Poslanik/zastupnik Haris Zahiragić:

hvala predsjedavajući. Prije svega želim da naglasim činjenicu da je kandidatkinja za ministricu a prema diskusijama kolega iz parlamentarne većine izvjesno i ministrica sada ovog novog resornog Ministarstva za visoko obrazovanje, nauku i mlade će biti četvrta ministrica u ovom mandatu. Dakle kada imate poslovni prostor, kada imate posao, kada imate kuću, u kojoj imate četiri vlasnika ili četiri domaćina za četiri godine, od te kuće ništa ostati neće. S obzirom da mi često volimo isticati visoko obrazovanje kao značajan resor, da volimo iskazivati svoje trajno opredjeljenje ka popravljajući stanja u društvu, kreiranju uslova za ostanak mladih itd sigurno to nećemo postići sa četiri ministra u jednom mandatu. To što se u ovom mandatu radilo a posebno kada je ovaj resor u pitanju je katastrofalno. Bio je jedan ministar, pa ste onda donosili Zakon pa ste razdvojili Ministarstvo i evo za svega nekoliko mjeseci ovo je drugi ministar u tom novom Ministarstvu. Kažete ima još samo manje od godinu dana mandata. Nemate namjeru vjerovatno da je ostavite ili ne vjerujete da ćete imati priliku da imenujete ministra čim govorite da ima samo godinu dana mandata, unaprijed. Niste optimistični i slažem se sa vama to je jedna dobra procjena da nećete zasigurno imati priliku da imenujete ministre ukoliko nešta radikalno se ne promijeni u radu ove parlamentarne većine i Vlade, što bi mene obradovali vjerovali ili ne jer želim da vjerujem da će doći vrijeme kada bez obzira kako u kojoj političkoj stranici ili koja većina imenovala nekog ministra će ostajati ti ljudi ukoliko budu dobro radili. Sjećam se ministricice Bogunić, neću da podsjećam šta je ta sve žena prošla, kakvim je pritiscima bila izložena, kakve je diskusije ovdje sa ove govornice govorila. Ministar Krivić se nešta trudio da radi međutim i on je isto imao malo vremena. Ministrica Husić-Mehmedović isto tako smo joj se zahvaljivali što je prihvatila kao profesorica, da je divna krasna itd. Došla je s prijedlogom Zakona koji nije ona pisala nego komisija koju je imenovala ova parlamentarna većina tj koju je imenovala Vlada iako po Zakonu Vlada ne smije imenovati komisiju nego resorno Ministarstvo i na kraju su zastupnici parlamentarne većine doslovno i uslovno rečeno, kolokvijalno rečeno, pustili vodu toj ministrici i oborili taj Zakon nakon čega je bilo jedino opravdano i jedino prihvatljivo s njene strane i časnio to sam tada govorio, da podnese ostavku. To treba da bude nauk i novoj ministrici, da bez obzira koliko je nagovarali iza parlamentarnih klupa, da ukoliko naprave grešku i ukoliko je nagovore da krene putem koji nije dobar ona će platiti cijenu a zastupnici će vrlo lako od toga se distancirati ili politike. Tako da moj savjet ministrici Nikolić je da ne prihvata da joj politike kroje politiku visokog obrazovanja nego da ona kao dugogodišnji profesor ipak preuzme resor u svoje ruke što će biti vrlo teško, ako uzmemo u obzir činjenicu da je jedna ministrica Bogunić doslovno otjerana, da je druga ministrica sama podnijela ostavku a obje su došle iz ove parlamentarne većine. Kada je konkretno profesorica Nikolić u pitanju, ja imam zadovoljstvo da je lično poznajem, bio sam jedan od članova Senata UNSA koji je glasao za prof Nikolić na mjesto prorektora za međunarodnu saradnju 2016 godine na UNSA. Vidio sam u CV da je istaknut popriličan dio ovog CV koji smo dobili se odnosi na taj mandat četvorogodišnji. Rezultati koji su istaknuti u kontekstu međunarodne saradnje jeste Strategija internacionalizacije UNSA. Na žalost taj UNSA uprkos toj strategiji ni na koji način nije internacionaliziran što ne bi naravno pripisao profesorici Nikolić nego ukupno svim upravama u posljednjih 15 godina na UNSA. A posebno posljednjih sedam osam godina. Ono što je istaknuto ili nije istaknuto da UNSA u tom mandatu nije ostvario saradnju ni sa jednim ozbiljnim top 50 svjetskim univerzitetom. Istaknuti su neki sajmovi, neki radionice itd. Ja se tih radionica i sajmova u nekom ozbiljnijem smislu da je ovo društvo imalo neke benefite od toga baš i ne mogu sjetiti. Međutim u svakom slučaju i akademski rad i funkcija prorektora nisu ni približno isti tako da želim da vjerujem da Kanton Sarajevo nakon ovog mandata će barem jednu ljestvicu podići svoj položaj u

oblasti visokog obrazovanja kako u BIH, tako u regionu, i svijetu. Zašto ne? S druge strane UNSA u tom mandatnom periodu nije imao neki značajni rast na međunarodno relevantnim vlastima, što je također bio dio mandata i odgovornosti uvažene profesorice Nikolić. Ono što mene zanima jeste da tada, svojevremeno kao član tog Senata, pokušavao sam predložiti da se našim profesorima na UNSA zabrani predavanje na pa evo da ne vrijeđam ni jednu sredinu, na divljim univerzitetima i fakultetima na kojima se prodaju diplome. Mi to znamo, mi to svjedočimo ko god živi u ovom gradu toga je svjedok, želim da vjerujem da će ministrica Nikolić podržati moje nastojanja kao zastupnika da do kraja godine zabranimo našim profesorima koji od kolektivnog ugovora imaju vrlo dobre plate, da prave neloyalnu konkurenciju ne samo UNSA, nego društvu. Ta pošast loših privatnih fakulteta na kojima se prodaju diplome. Ne bih sve privatne fakultete generalizovao, međutim najveći broj njih je na žalost takav u BIH je doveo situaciju u društvu da naši profesori koji bi trebali da budu avangarda društvena, na koje budžet Kantona Sarajevo daje veliki iznos sredstava u tome učestvuju. Kakva je to poruka svima onima koji žele da grade svojom izvrsnošću društvo u BIH? To je vrlo loša poruka. Smatram nemoralnim a pogotovo u uslovima smanjenja broja studenata UNSA ovih dana neki mediji pokušavaju prikazivati taj broj studenata kao šireći defektizam kao da mladi odlaze. Odlaze mladi svakako, to je svakome jasno, međutim najveći broj tih studenata odlazi na univerzitate gdje kupuju diplome. Očekujem od ministricе Nikolić da moju inicijativu i smjer u kojem ću ja ići da se na loše rangiranim univerzitetima zabrani predavanje profesora UNSA. Znam da će biti otpora, znam da je veliki broj njih napravio biznis, veliki broj njih je osnovao te privatne fakultete, bili su matičari itd. Ogromne pare zarađuju sebi i svojim porodicama a uništavaju društvo. Na žalost Kanton Sarajevo nije našao za shodno i nije našao način da se odbrani od te pošasti. Pa čak ni javni sektor. Pa ako pogledate diplome spominjete, neki dan je bilo spominjano da eto neke diplome su falsifikovane itd. Imamo li mi način, naravno da nemamo, ali ovo postavljam retoričko pitanje, da ispitam one diplome koje su legalne, koje nisu falsifikovane, koje su formalno ispravne, a koje suštinski ne vrijede ništa. To su teme o kojima moramo imati hrabrosti da govorimo. Ja sam svjestan činjenice da su određeni ministri u Vladi Kantona Sarajevo završili te noćne škole. I neki zastupnici, i neki predsjednici političkih organa itd. Imajte hrabrosti, govorite o tome, nemojte da vas bude strah, nemojte biti kolegijalni na tome. Imat ćemo problem ljudi. Ovo društvo na takav način srlja u propast. Ja apelujem na ministricu da to vrlo ozbiljno shvati. Drugi problem na UNSA također koji nije više ni masovan, to je postalo uobičajeno na žalost je sistem prepisivanja uz pomoć bubica itd. Pa kada dođemo u situaciju da nam pravници, doktori, inženjeri polažu anatomiju, temeljne pravne predmete ili statiku uz pomoć bubice, tek ćemo narednih deset do petnaest godina vidjeti reperkusije probleme toga. Napraviti ćemo i od javnog univerziteta ovaj privatni. Ja ovo govorim jer sam ja pokušavao i na Senatu tada zajedno s prof Nikolić da to spriječimo, nije bilo sluha. Ili nije bilo interesa. Ja ne znam kome nije u interesu da te stvari spriječimo. Na žalost nije bilo podrške na UNSA, ali nadam se da ću kao zastupniku Skupštini ipak dobiti tu podršku. Kampus UNSA u kojem se okupljaju imigranti, u kojem se okupljaju narkomani, u kojem uposlenici UNSA ne smiju iza pet sati iako imaju potrebu zimi da ostanu i da rade, u pet sati bježe iz Kampusa ko da je zona sumraka. Jer ne smiju hodati Kampusom UNSA. To je također odgovornost UNSA i Rektorata čijeg je dijela bila ministrica buduća Nikolić. Međutim to je odgovornost i nas u Skupštini i resornog Ministarstva. Ja se sjećam kada je imenovan na tu poziciju bilo je ekspozeu rektora Kampus, Biblioteka. Ma nismo ogradu ofarbali. Sram i stid da nas bude sve zajedno ovdje. Oдите u druge gradove u BIH, oдите u gradove u regionu i vidite šta je kampus, vidite tu mladost, vidite kako se tamo ljudi okupljaju, kako imaju studentske menze, kako imaju studentski kafići, kako imaju tehnološki centri, kako je to živo. A otiđite kod nas. Sve dok nam je onako stanje u Kampusu neće se popraviti stanje u društvu. Nećemo moći izaći iz mediokriteta koje smo mi postavili sebi kao pravilo. Ono što također očekujem od ministricе Nikolić jeste da doktorski studij za najbolje bude besplatan. Ne možemo komercijalizirati

zvanje do te mjere da ljudi koji su bili najbolji studenti u generaciji ne mogu bez 20.000 završiti doktorski studij. To nije fer. To je elitizacija znanja. Naravno, ne može biti svima besplatan, mora UNSA imati svoje prihode, apsolutno prihvatam. Međutim najbolji studenti u generaciji barem Zlatne značke po mogućnosti sve trebaju imati doktorski studij besplatan. Na žalost oni to nemaju. S druge strane, djeca pa posebno djeca političara bez ikakvih problema plaćaju taj doktorski studij. Pravimo elitu, ja ne bih imao problem da je pravimo da je ta elita zaista elita. Pravimo lažnu elitu. Isto kao što prodajemo lažne diplome. Postajemo lažno društvo i sve posljedice će trpiti naša djeca. Čak i ta kojoj je otac platio doktorat jer ima zato što onaj bolji od njega nije bio u prilici da doktorira jer bi morao dići kredit i 20 godina ga otplaćivati. A btw nema ni posla. A kad smo kod toga da nema posla inicijativa da se Zlatne značke prime na UNSA ispred Kluba govorim kolega Okeriću, inicijativa da se Zlatne značke prime na UNSA je ovdje podržana. Svi smo je podržali, ja sam je podnio ali nije ni bitno što sam je ja podnio. Prošlo je od toga skoro pola godine nije se ni jedna Zlatna značka primila. Jel vi mislite da će ti ljudi čekati našu milost ovdje? Milost Vlade Kantona Sarajevo. To su ljudi koje cijeli svijet hoće u svim oblastima. I mi umjesto da ih molimo da ostanu da ih držimo, danom kada dobiju tu Zlatnu značku da ih ovdje primio i kažemo djece nećete od nas otići dok ne riješimo izaberite šta hoćete. Jok. Mi to ne radimo. U javnom sektoru primamo tetiće, dajdiće ponovo eno situacija takva u VIK. Neki dan sam ponovo vidio da je taj konkurs koji sam ja nekada problematizirao ponovljen. Imenujemo stranački, ne samo vi, nego svi mi. A ta djeca odlaze u države Zapadne Europe. Ako mislite da ćemo bez njih, bez najboljih izgraditi društvo i državu kako mi sanjamo, ili kako barem deklarativno govorimo, nećemo. I molim vas ministrice imajte to na umu. Zakon o izvrsnosti također. Usvojena inicijativa, donesen zaključak, nije se maklo od Ministarstva a kako bi se i maklo kada smo napravili Ministarstvo. Sve ljude prebacili u Ministarstvo osnovnog obrazovanja, srednjeg i predškolskog, ovdje nismo dokapacitirali, i par ljudi radi. Kaže meni ministrica, koju sve više i više poštujem, kako dani prolaze jer nije želila da bude dio ove šarade, kaže meni. “Harise ja bih to sve uradila, nemam s kim, nemam uposlenika”. Mi kada smo upozoravali da ne prebacujemo tamo uposlenike svi su govorili riješit će se to za par mjeseci. Nije se riješilo. Ne možemo se igrati sa državom kao da je neka igrice video. Ne možemo se igrati državom kao da je neka simulacija. Svaka odluka koju donesemo ili svaka odluka koju ne donesemo, ima trajne posljedice. Na žalost tri godine ove parlamentarne većine, koju moram iskoristiti priliku nedemokratski, jer su pobjednici bili izbačeni iz vlasti je dovela do toga da imamo četvrtu ministricu visokog obrazovanja. To je neprihvatljivo ljudi moji. I želim da vjerujem da će ministrica Nikolić, a ukoliko dobro bude radila mandat, ostati tu iako nećete imati priliku da sastavljate Vladu, u to sam uvjeren. Kada su mladi u pitanju, ovo isto smo spominjali kada je imenovana ranija ministrica. Da su mladi prioritet itd. Za tri godine, prvo iz Ministarstva visokog obrazovanja, generalnog obrazovanja dok nije rastavljeno, pa onda i u ovom dijelu mandata za visoko obrazovanje kada je postalo Ministarstvo, niti jedan jedini akt po pitanju mladih nije izbačen. To je primarni resor Ministarstva. I o čemu mi pričamo. Idemo po televizijama, pričamo kako smo hrabri, pošteni, kako ćemo razviti društvo. Društvo se devastira iz dana u dan. Kada se ugase kamere boli nas briga. Nećemo na zelenu granu tako kolege i kolegice. Ministrica Nikolić nemate previše vremena u ostatku mandata ali imate dovoljno vremena da sve ovo što sam ja ovdje kazao normativnim aktima riješite za mjesec dana. Ukoliko budete imali hrabrosti da se uhvatite u koštac sa ovim stvarima, ja kao zastupnik i kao član Klub SDA uvjeravam vas da će Klub SDA biti uz vas. Ukoliko ne budete i ukoliko budete slušali centre moći po kancelarijama ovdje, završiti ćete na žalost kao ministrica Bogunić ili kao ministrica Husić-Mehmedović. Hvala vam.

Predsjedavajući:
zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

hvala predsjedavajući. Pa evo drago mi je danas da uopšte imamo kandidatkinju, odnosno buduću ministricu koja će obnašati i voditi vrlo bitan resor u Vladi Kantona Sarajevo. Znamo već da je školska godina počela, na žalost bez ministrice za visoko obrazovanje. Kolega Dević je već rekao premijeru Forti da nije ništa novo da imate četiri ministrice u Vladi premijeru zato što je ministrica za visoko obrazovanje bila također žena profesorica Meliha Husić. I nije ništa novo za građane Kantona Sarajevo. Međutim, ono što je poražavajuće meni da profesoricu Nikolić predstavljate kao idealnu, kao eksperta a u suštini nije bila prvi izbor vaš. Biti redovan profesor na UNSA i reći da ima bogatu biografiju. Naravno da profesorica Nikolić ima bogatu biografiju jer je redovan profesor i to dugogodišnji UNSA. Akademski razvoj jednog profesora, to profesorica bolje zna je vrlo težak na UNSA. Sa kriterijima da bi došli uopšte do takvog zvanja visokim. Kolegica Segmedina je nešto rekla i ponukala me a ovu diskusiju, da u suštini akademski razvoj na pojedinim univerzitetima na rubnim dijelovima u Kantonu Sarajevo nisu kao UNSA, na žalost. Da bi postali jedan profesor na UNSA ne samo da vam treba jako puno citiranih radova, objavljenih radova, nego i finansija, jer svaki taj rad košta. Ja sada imam priliku da gledam kako na tim univerzitetima u rubnom dijelu Kantona Sarajevo odjednom niču profesori, docenti, svi su magistri i svi su doktori nauka a kada uđete da sa njima pričate o njihovoj struci vidite da je to daleko od struke. Kolega Zahiragić je već spomenuo da izlaze takvi pravci, da izlaze takvi doktori, inženjeri, i mnoge druge akademske struke. Ali mi smo svjedoci toga i svi šutimo. Ja se nadam ministrice Nikolić kao dugogodišnji radnik UNSA da ćete napokon izaći sa novim Zakonom o visokom obrazovanju i staviti iste kriterije što se tiče razvoja u akademskoj zajednici. Imali smo priliku da vidimo novi Zakon o visokom obrazovanju i par zastupnika je reklo da se radi o pritisku politike. Nije tačno. Novi Zakon o visokom obrazovanju su zaustavili ljudi koji rade u akademskoj zajednici. Nemojte ministrice podleći politici štite svoj esnaf. Nemojte dozvoliti da politika mijenja novi Zakon o visokom obrazovanju kao što je na zadnjoj sjednici Skupštine Kantona Sarajevo uradila. Ministrica pravde mijenja član Zakona o visokom obrazovanju i pri tom kaže na moje pitanje da nema saglasnost sindikata. Nemojte ministrice Nikolić to dozvoliti. Mislim da ste pozvani i najpozvaniji u ovoj oblasti da radite novi Zakon o visokom obrazovanju, naravno uvažavajući ministricu pravde ali to nije njen resor.

Predsjedavajući:

ispravka krivog navoda zastupnik Vedran Jakupović.

Poslanik/zastupnik Vedran Jakupović:

profesorica Softić-Kadenić, ministrica pravde trenutno i još uvijek aktuelna v.d. ministrica Ministarstva visokog obrazovanja, nauke i mladih, tako da je krivi navod da je ministrica pravde nešto donijela. Posebno još krivlji navod da nema pojma o čemu govori, hvala.

Predsjedavajući:

zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

na ove paušalne navode uopšte neću reagovati. Kada je riječ o naučno istraživačkom radu i komentarima premijera Forte kako su oni prva Vlada koja ulaže u naučno istraživački rad i da će sljedeće godine uložiti pet miliona u naučno istraživački rad, pa to je premijeru jedino što ste uradili u visokom obrazovanju, ali nemojte zaboraviti i svi u akademskoj zajednici znamo da pojedini zastupnici koji sjede zajedno ovdje sa mnom u klupi, to podržavaju i da nekima ovdje to odgovora. Evo ja vas pozivam da sa mnom obiđete sve fakultete ili organizacione jedinice u Kantonu Sarajevo pa da vidite da uposlenici UNSA nemaju osnovnih sredstava za rad. Nemaju računare a mi ulažemo 5 miliona u naučno istraživački rad zato što bi neki

zastupnici ovdje bili zahvalni na tome. Pa jedino što je ministrica Melika Husić uradila u svom mandatu jeste potpisivanje ugovora sa pojedinih univerziteta i to je jedino uradila, i to da li je bilo ispravno što je uradila vidjet ćemo. Još uvijek ništa nije završeno. Na žalost, obidite sve fakultete, vidite šta ljudima fali na UNSA. Nemojte samo ulagati pet miliona u naučno istraživački rad. Pomozite i ostalo. Ja se nadam da pravna integracija će biti dovedena na pravi put, jer profesorica Nikolić zna, bila je prorektor, da integracija nije urađena u skladu sa Zakonom. Da ista ta ministrica išla u sud i ispisala jedan fakultet iz sudskog registra a da nije imala dozvolu da to uradi, i zato sada imamo žalbu na sudu od pet dekana organizacionih jedinica ili fakulteta jer pravna integracija nije završena. Ministrice Nikolić ja vas još jednom molim, prije svega kao stručnjaka u svom poslu, kao redovnog profesora UNSA nemojte dopuštati da ova politika koja je trenutno u Kantonu Sarajevo uništava UNSA. Zahvaljujem.

Predsjedavajući:

zastupnica Vildana Bešlija. Replika zastupnik Damir Marjanović.

Poslanik/zastupnik Damir Marjanović:

ja vam se zahvaljujem predsjedavajući. Zahvaljujem se kolegici Vildani, replika je u pitanju. Zahvaljujem se kolegici Bišćević-Tokić na inspirativnoj diskusiji, samo bih u ovoj replici malo pojašnjenje, nisam siguran da li je kolegica Bišćević-Tokić, možda sam ja pogrešno shvatio i u trenutnom Zakonu o visokom obrazovanju u Kantonu Sarajevo u potpunosti su potpisani isti kriteriji za sve univerzitete u Kantonu Sarajevo, glede napredovanja akademskog kadra. Sve ono što važi za uposlenike UNSA u potpunosti važi za uposlenike svih drugih univerziteta koji su na području Kantona Sarajevo i onih koji eventualno koji možda čak žele da se tek formiraju pa im je očigledno možda zasmetao ovaj nacrt Zakona koji je malo te kriterije dizao. S druge strane ti kriteriji su u biti, kaže se po Zakonu najmanji, najniži kriteriji ili u prevodu oni osnovni kriteriji pojedini univerziteti imaju puno pravo da te kriterije postrože. Sticajem okolnosti, znam da su pojedini univerziteti upravo te kriterije postrožili. Možda sam pogrešno razumio, ono što je kolegica Bišćević-Tokić rekla, pa mi je nekako ostalo da to kažem. Druga stvar koja je jako bitna, nekako se stekao dojam kroz ovo što je kolegica Bišćević-Tokić rekla da je politika pisala nacrt Zakona a da se akademska zajednica bunila. Za razliku od prethodnih, ne ulazim ustvari u nacrt zakona i stvarno radujem se diskusiji na tu temu, vjerujte imam poprilično i ja svojih sugestija i svega ostalog, i vjerujem sve kolege ovdje u Skupštini, pa i na osnovu onoga što su kolege iz akademske zajednice rekle, definitivno trebaju neke stvari da se preciziraju, determiniraju itd. I radujem se tome. Ali ono što morate znati ovaj nacrt Zakona prvi put u tom svom punom kapacitetu je u potpunosti pisala akademska zajednica, bez, članovi i predstavnici akademske zajednice, njih čini mi se 24 ili 25. tako da ne bi bilo dobro da ostane to. A sada još vezano za ono što je uvažena ministrica Melika uradila do sada. Mislim da ste rekli da je jedino uradila da je potpisala neke ugovore sa nekim univerzitetima, barem je tako bilo, mislim da možda niste imali dovoljno informacija. Mnogo toga je definitivno urađeno. Pa eto od tog nesretnog nacrta koji je tako napravljen, pa mnogo rješavaju u hodu problema koji su riješeni, pa do formiranja u krajnjem slučaju jednog efikasnog ministarstva u kojem će profesorica Nikolić i svaki drugi ministar uskoro ući. Tako da tu imate malo više prostora da analizirate šta je urađeno i kako je urađeno. Eto hvala velika.

Predsjedavajući.

Replika Jasmina Bišćević-Tokić.

Poslanik/zastupnik Jasmina Bišćević-Tokić:

kolega Marjanoviću kada kažete, na neke stvari se ne bih uvlačila, nemam isto mišljenje, odmah da kažem kao vi, ali nema veze evo da ne zamaramo javnost sa ovakvim nepotrebnim replikama. Ono što je bitno kada kažete da se akademska zajednica ispoštovala. Evo ja molim

buduću ministricu Nikolić, nemojte da ministar bira predstavnika fakulteta. Ako hoćete da ispoštujemo stvarno akademsku zajednicu, dajte da svako nastavničko naučno vijeće izabere svog predstavnika u komisiji za novi Zakon o viskom obrazovanju. Tek tada ćete kolega Marjanoviću imati pravu podršku akademske zajednice i svakog vijeća pri organizacionoj jedinici. Kada sam govorila o napredovanju. Pa mi imamo danas pojavu, da se ne lažemo svi ovdje kao što kaže kolega Zahiragić, da završite tri godine UNSA i da odete da magistrirate da završite master na drugim univerzitetima zato što je lakše, ne morate ići na predavanja, ne morate polagati, ne morate učiti. Ne trebamo se lagati. I svi dođu sa diplomom da su masteri, magistri, doktori nauka. Nemojte. Završite cijela dva ciklusa na UNSA. Znaete kolega Marjanoviću kada predajete radnu verziju doktorata da morate imati 45 bodova radova, da bi ga uopšte predali UNSA. Ja koliko znam da na ovakvim fakultetima rubnim nema tog takvog u Zakonu ograničeno da morate imati. Dole su svi profesori, dole su svi docenti. Ne bih ja rekla da je to tako na UNSA i ja se nadam da nikada tako neće biti, da će se struka na UNSA i dalje ispoštovati.

Predsjedavajući.

Odgovor na repliku zastupnik Marjanović.

Poslanik/zastupnik Damir Marjanović:

ja vam se zahvaljujem uvažena kolegice Bišćević-Tokić. Definitivno se vi i ja ne slažemo u mnogim stvarima možda zato što imam različita životna iskustva i različit put u karijeri. Evo tek onako da ne bi ostalo, ja sam doktorirao na UNSA, i prije doktorata i u tim znanstvenim članicama, i svemu ostalom što govorite, poprilično kao i mnoge moje kolege više od toga smo ispunili. I jako sam dobro upoznat sa pozicijom i kako s eto radi, jer sa btw i redovni profesor UNSA, koji je i magistrirao i doktorirao ovdje sa internacionalnim komisijama i tako dalje i tako dalje. Vi govorite o nekih 45 poena vezano za doktorate, mislim da govorite paušalno, odgovorno vam tvrdim a kao odgovor vrlo rado ću vam proslijediti pojedine pravilnike pojedinih drugih univerziteta koji i dalje nisu na nivou UNSA ali jako poštuju zakone i rade na onome što se zove kvaliteti obrazovanja na svojim univerzitetima. Pa ćete se iznenaditi da ponekad ljudi koji trebaju da doktoriraju na tim univerzitetima moraju da ispune čak i malo jače uvjete, pa ćete se iznenaditi da ljudi koji treba da budu izabrani za docente na tim univerzitetima moraju sa te znanstvene strane čak da ispune i malo jače uvjete. No, da vam ne bih oduzimao više vrijeme, vrlo rado ću vam dostaviti te dokumente, kao što rekoh ne govorim na pamet, nego uvijek kad vodim diskusije, govorim na osnovu dokumenata koji definitivno postoje. Vezano za komisiju vrlo mi je to zanimljivo i nešto ne mogu da se sjetim da je ministrica birala osobe koje su joj na neki način u potpunosti odgovarale. Evo taj prijedlog je vaš veoma zanimljiv. Stvarno je zanimljiv moram priznati evo pokušavam da se sjetim kod prijašnjih Zakona koji su donošeni tako, nešto ne mogu da se sjetim te 2017 godine, čini mi se da je Zakon donešen ovaj sada koji je važeći, da se na isti način tadašnja Vlada koja je koliko mi se čini bila SDA Vlada, čini mi se, jel tako, da je poslala upit fakultetima i rekla delegirajte svoje predstavnike prilikom pisanja Zakona o visokom obrazovanju. I ne mogu uopšte sjetim da je komisija bila tako velika raznorodna i da je bila čak pružena prilika da recimo sada sticajem okolnosti bivši predsjednik Akademije nauka BIH uvaženi profesor Trifković je bio taj koji je vodio komisiju. Pa smo imali još jednog akademika, pa smo imali predstavnike svih grupacija, pa je 75% ljudi dolazilo sa UNSA, pa sa svih fakulteta itd. Ali ja nešto ne mogu da sjetim, ali molim vas, možda griješim, ispravite me sigurno ćete pronaći negdje da li je te 2017 kada je donešen taj Zakon koji je ostavio jednu određenu vrstu PTSP kolegama iz akademske zajednice. Gdje je donešen tokom ljeta ovako na brzinu, da je tada tadašnja Vlada i tadašnji ministar pozvao fakultete da delegiraju kandidate. Međutim ovo je jako zanimljivo, evo radujem se tom i mislim da to uopće nije

problem, bilo bi jako lijepo da se tako nešto desi. Nadam se ko zna možda u budućnosti da ako dođete u poziciju da nekada budete na vlasti isto taj koncept promovirate. Hvala velika.

Predsjedavajući:

replika zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

da kolega Marjanović da se na njega kolega odnosi na vaše akademsko zvanje. Ja znam dok sam ja bila na magisteriju da ste vi bili i tada predavač kod nas, tako da što se tiče vašeg zvanja ja uopšte nisam ne znam da li ste tako shvatili. Nisam uopšte aludirala stvarno na vas. Reći vam da sa mog fakulteta na kojem sam ja nikada nastavničko vijeće nije poslalo člana komisije za Zakon o visokom obrazovanju i ja se stvarno ne bih uopšte osvrnula šta su bivše Vlade radile mene to uopšte ne interesuje. Evo dala sam prijedlog, kako poboljšati novi Zakon o obrazovanju. Znači stvarno pitajte baze. Pitajte vijeća da daju svog predstavnika, i taj nek u suštini govori šta toj organizacionoj jedinici i fakultetu treba. Da se ne lažemo, nismo pitali, komisija je sastavljena ad hoc i urađena na način da se prvo moj sindikat bunio jer nisu podržavali to što je tako urađeno sa novim Zakonom. Evo ministrici ja sam dala ideju da stvarno pomognemo pitajte u suštini bazu svake organizacione jedinice a to je NNV. Hvala.

Predsjedavajući:

nemate više pravo. Zastupnica Vildana Bešlija.

Poslanik/zastupnik Vildana Bešlija:

hvala predsjedavajući. Da kažem da je bilo ugodno slušati kolege, zaista nije, i pretpostavljam da je ista situacija kada su u pitanju gledaoci i građani Kantona, studenti na početku godine koji slušaju. Možda nekada malo diskusije koje naginju nekada na neku prijetnju a da ne pominjem iznošenje neistinitih navoda jer nisu zaista činjenice. Diskusije kao što su bile ove protekle, evo da krenem možda i od zadnje, bi na neki način vjerovatno željele da se može neka gumica upotrijebiti pa da izbrišemo sve ono što je bilo proteklih godina, na žalost to nije moguće. Na žalost greške onih koji nas vode već 30 godina ispaštamo sada svi mi zajedno sa svojom djecom. Sve je to kulminiralo do tog maksimuma da imamo toliko problema, pa i ono što želite pripisati kao neki neuspjeh ove Vlade i ove većine, da su se mijenjali ministri i ministrice obrazovanja, ima tu dodatnu težinu izazvano upravo neodgovornom vlasti toliki niz godina, koja zaista ne može nestati tek tako. Ako to želite fakturisati budućoj ministrici ili ovoj Vladi nemojte misliti da narod, da ljudi koji žive u ovom Kantonu imaju pamćenje tako kratko, jer to jednostavno nije moguće. To je obilježilo mnoge generacije. Loše obrazovanje je obilježilo našu djecu, obilježilo je nas veoma loše. I svi smo svjesni tih propusta koje sada iznosite evo kao neke argumente da se nije radilo da se malo uradilo itd. Bilo je navoda čak i nekih od strane zastupnika Zahiragića vezano za Kampus. Pa znate li vi da je ova Vlada, odnosno Vlada šestorke, očistila taj Kampus. Znači nije se moglo proći od šikare, a znamo ko je upravljao ranije. To smo uradili. Očistili smo Kampus. To niste bili u stanju da uradite kada ste vi vladali. A da ne pričam nešto drugo da napravite neke reforme u visokom obrazovanju. Zaista mi je mučno i sada evo nakon ovakvih diskusija mislim da je svima već jasno zašto su počinjale diskusije i premijera i nekih zastupnika na početku sjednice upravo sa tim da su zahvalni zašto je ovakva jedna stručnjakinja, profesorica Nikolić, u suštini prihvatila da bude dio ovoga. Mislim da svaki put kada diskusija ovako krene dugo i mislim da je dobro pustiti diskusiju jer onda stvari same postanu jasne, razotkrije se mnogo toga i žao mi je što smo evo Skupštinu zloupotrijebili i ovaj put na takav način nadam se da će ministrica ono što je naumila i sigurna sam da već ima određene ciljeve koje želi sprovesti, da će to uraditi čim prije odnosno u najboljem mogućem svjetlu i mislim da je zaista vrijeme da ovakve diskusije počinjemo privoditi kraju, zato što evo sve ovo što ste kao i pokušali sugerisati profesorici da

uradi, a sigurna sam da ona zna šta sve treba uraditi na UNSA, zato što upravo odatle i dolazi, da je trebamo što prije imenovati i dati joj priliku da radi. Hvala vam.

Predsjedavajući:

replika zastupnik Mahir Dević.

Poslanik/zastupnik Mahir Dević:

hvala predsjedavajući. Referirat ću se samo na ovu koleginicu izjavu od 30 godina loše vlasti. Prvo ovdje u Kantonu Sarajevo niko ne vodi Kanton 30 godina. Ako ste ciljali na SDA ona otprilike nije bila ni pola od tog perioda. A od tog pola perioda predstavnik koji je predstavljao politiku SDA danas vas vodi. Danas vam je šef cijele ove parade. Tako da uistinu ne razumijem da pokušavate tim spinom da stavite omču oko vrata ne znam jednoj novoj mladoj generaciji ljudi koji sjede ovdje u Skupštini Kantona Sarajevo i da nama fakturišete 30 godina loše vlasti. I sada vi još kažete kolegici Jasmini ne možete vi gumicom izbrisati. Pa mi uopće gumicom ne brišemo to, već samo kažemo. Od tih 30 SDA je u mandatima premijera i većini Vlade bila neka tri mandata a od ta tri mandata ovi sada što vas vode zovu se malo drugačije jer su nastavili iz SDA, oni su ti. Tako da vam ja predlažem da na nekom stranačkom sastanku to njima fakturišete a ne Klubu SDA u Skupštini Kantona Sarajevo. Evo nama ovdje koji danas diskutujemo.

Predsjedavajući.

Odgovor na repliku.

Poslanik/zastupnik Vildana Bešlija:

kada je zadnji put urađeno uopšte i na koji način, evo čuli ste i kolegu Marjanovića Zakon o visokom obrazovanju? Znamo ko je vodio taj proces. Nemojte nam molim vas držati predavanje evo sada i o tome ko nas vodi. Ne vodi nas niko, i to je vaš spin. I ta kao popularna riječ bi trebala sada nešto da uplaši, da preusmjeri na neki način diskusiju. Vrlo je jasno ljudima u Kantonu Sarajevo kada se kaže ko je predvodio i zna se ko je bila većinska stranka i ko je krojio politiku u Kantonu Sarajevo u većini godina tih 30 godina i tih mandata koje spominjete. I naravno ad ne postoji nikakva gumica koja može izbrisati ni sjećanje i živote ljudi koji su proveli ovdje.

Predsjedavajući:

ispravka krivog navoda zastupnik Mahir Dević.

Poslanik/zastupnik Mahir Dević:

pa mi se kolegice u potpunosti slažemo samo ja vama pokušavam da otvorim oči i da vam kažem da oni koji su u Kantonu Sarajevo tako jako loše radili u tih 15 godina SDA su danas vama lideri procesa u Kantonu Sarajevo. Znači ne možete ispred tog ogledala se skloniti. I sada pokušati da nama nešto fakturišete. Znači lideri kako kažu oni izvinjavam se, mi liderišemo procese u Kantonu Sarajevo. Mislim, nema potrebe da o tome raspravljamo. Ako ta vlast ne valja, ako je tako katastrofalno, ako ona ništa nije tu dobro bila uradila pa vode vas i danas vi. U ovoj većini koju vi predstavljate kao reformsku oni vam liderišu ove procese. Mi se slažemo apsolutno samo ja predlažem da malo stanemo radi objektivnosti ispred ogledala i da kažemo je li to tako ili nije. Nemojte vi nama fakturirati ono što mi nemamo kao teret, govorim o Klubu SDA. Već ostavite to sebi jer taj dio, ta struktura SDA koja više nije SDA i danas vam lideriše procese u Kantonu Sarajevo. Hvala.

Predsjedavajući:

zastupnik Jakupović replika.

Poslanik/zastupnik Vedran Jakupović.

Gospodinu kolegi Deviću zna se ko u SDA procese vodi, posebno u Kantonu Sarajevo ljudi koji donose glasove, a to su uglavnom lokalni šerifi, tako da oni su još uvijek na svojim pozicijama. Vi ste jedan od njih. Kada je riječ o ovoj jednoj konstrukciji rubna područja.

Predsjedavajući.

Poslovnička intervencija zastupnik Mahir Dević.

Poslanik/zastupnik Mahir Dević.

Jeste li vi čuli kakav vokabular i rječnik koristi doktor nauka? Jeste li čuli ovo sada? I ne intervenišete na to?

Predsjedavajući:

nisam čuo.

Poslanik/zastupnik Mahir Dević:

hoćete li da vam kažem šta je kazao. Evo nek vam on ponovi.

Predsjedavajući:

hoćete li pustiti da završi kolega Jakupović ili?

Poslanik/zastupnik Mahir Dević:

hoćete li prestati nas diskriminirati predsjedavajući? Nas čovjek vrijeđa lično na ličnoj osnovi koja nema veze s ovom tačkom dnevnog reda i vi se sada kao pravite nevješti vi to kao ne čujete ovdje jel? Kako mislite vi voditi ovu Skupštinu na ovako nedemokratski način? Jeste li čuli koju je frazu upotrijebio i šta je rekao?

Predsjedavajući.

Nisam čuo. Upozoravam sve zastupnike da vode računa o dignitetu Skupštine i kako se izražavaju i ponašaju. Zastupniče Jakupoviću nastavite.

Poslanik/zastupnik Vedran Jakupović.

Dakle mene vrijeđa kada neko kaže da sam član SDA ili da sam bio član SDA i da sam neko ko nastavlja politiku SDA. Od 9 zastupnika NiP pet nikada nije bilo član SDA. Tako da je to je razlog ove reakcije. Konkretno kada je riječ o ovoj temi, zašto sam spomenuo, evo izvinjavam se zbog riječi šerif lokalne predsjednice organizacija, a koji delegiraju unutar SDA ministre. Ti ministri odgovaraju, mislim govorim o praksama koje su bile, ti ministri odgovaraju svojim predsjednicima opštinskih organizacija a ne premijeru Kantona. I to je praksa i to se zna. To zna i gospodin Dević. Izvinjavam se ako je uvreda bila, evo ponavljam opet riječ šerif, možda nije primjereno. Ali otišli smo potpuno od teme, pa da se vratim. Jedna konstrukcija koju su i kolega Zahiragić kolegica Bišćević-Tokić par puta koristili su ti rubni fakulteti, rubni univerziteti. Pretpostavljam da se odnosi na jedan koji je stvarno na rubu ali nije u Kantonu Sarajevo. Mi nismo nadležni za njih. I kompletna priča oko tog fakulteta, kolega Zahiragić je govorio više puta o tome da ljudi tu završe osnovne studije pa onda završe magisterij na UNSA. To je kod njih u stranci česta praksa i onda kažu da su magistri sa UNSA. A kolegica Bišćević-Tokić kaže da završe na UNSA pa magistriraju i doktoriraju na nekim drugim univerzitetima. I apsolutno da potvrdim ovo što je kolega Marjanović rekao da kada je riječ o doktorskim studijima na privatnim univerzitetima u Kantonu Sarajevo da svi privatni univerziteti unutar Kantona Sarajevo poštuju Zakon o visokom obrazovanju Kantona Sarajevo i da uslovi za upis na doktorski studij ne da se preda doktorat, nego da se upišete na

doktorat ti zahtjevi su izuzetno visoki, posebno kada je riječ o objavljenim radovima, postoji standard koji se mora poštovati. To je obaveza da kažem bez ikakvih dodatnih. A jako je puno je grešaka bilo, netačnih stvari, jednostavno ne želim da ulazim u tu vrstu diskusije. I evo mislim da sam pred kraj s vremenom, neću se više javljati i red bi bio da završimo konačno ovaj posao oko imenovanja. Hvala.

Predsjedavajući.

Prije nego što dam riječ nekome od zastupnica ili zastupnika zamolio bih vas da se vratite na tačku dnevnog reda, Prijedlog odluke o potvrđivanju imenovanja ministricе ministarstava za nauku, visoko obrazovanje i mlade Kantona Sarajevo.

Krivi navod, zastupnica Jasmina Bišćević-Tokić.

Poslanik/zastupnik Jasmina Bišćević-Tokić:

krivi navod za kolegicu Vildanu Bešliju. Kolegice Vildana ja znam da imate potrebu da branite Našu stranku i to uopšte nije sporno, ali onda trebate neke elementarne stvari naučiti. Znači Kanton Sarajevo je formiran 1996 godine i postoji 25 godina a nikako 30. hvala.

Predsjedavajući.

Odgovor zastupnica Vildana Bešlija.

Poslanik/zastupnik Vildana Bešlija:

iako se moja diskusija, ja isto tako cijenim kolegice Bišćević-Tokić da imate potrebu da branite svoju političku stranku ako već želite da pričamo na tom nivou, lekcija te vrste mi nije bila potrebna, niti je uopšte bila važna za moju diskusiju. Ali evo, neka smo javno čuli i taj podatak. Meni je drago da jedna od zamjerki koju ste kao javno izrekli šta pripisujete zadnjoj ministrici obrazovanja upravo taj veliki iznos za naučno istraživački rad. Ako je to jedina stvar koju ste vi našli, ja sam sigurna da smo mi na dobrom putu i da ova Vlada radi dobar posao. Hvala vam.

Predsjedavajući.

Replika Jasmina Bišćević-Tokić.

Poslanik/zastupnik Jasmina Bišćević-Tokić:

kolegici Vildani, drago mi je da smo iz SDA nešto naučili o ove kolege iz Naše stranke. Zahvaljujem.

Predsjedavajući.

Zloupotrebjavate Poslovnik i replike kolegice Jasmina Bišćević-Tokić ali nemate pravo da zloupotrebjavate. Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Dame i gospodo, drugarice i drugovi, poštovani građani Kantona Sarajevo. Pa znate kako zaista sam se ponadao da ćemo danas smoći snage da neki civiliziran način i potpuno primjeren ispratimo i ovaj čin imenovanja predložene ministricе visokog obrazovanja. Međutim, opet još jedno moje razočaranje iako sam dobro upoznat sa ambijentom i atmosferom kojom se trebalo događati. Čak i oni koji su željeli da se predstave ovdje kao da gase požar oni su to činili benzinom. I zaista je neprimjerno od samog početka i sa jedne i sa druge strane i slušao sam ovaj besmisao sa mučninom u stomaku, iz prostog razloga što i oni, jedna strana je željela čak je pretjerivala u nekim čestitkama, u veličanju nečega, pominjanja da idealnog ministra. Mi znamo, a i zna ministrica buduća, da idealni ne postoje. Te prejake riječi su zaista iritantne i potpuno bespotrebne. Sjetite se samo kada smo

razgovarali o tome da damo podršku ovoj Vladi, i premijeru, da se posredstvom federalne Vlade nabave vaccine, slušali smo isto tako čestitke euforija. Ja sam u jednom trenutku, činilo mi se da sam propustio nešto i nisam znao šta ljudi čestitaju. Ali jednom jedinom rečenicom, tada je premijer Forto, nikada to neću zaboraviti zaista, rekao ja ne znam šta nam čestitate jer mi nismo ništa ni nabavili. Ovdje se čestita nešto a nije ministrica imenovana. I zaista je to odražavalo suštinu i realnost tog momenta u kojem smo bili. Zaista mislim da je u jednom trenutku, ali moram i vama predsjedavajući da odam priznanje da ste u jednom trenutku uspjeli da iskontrolišite situaciju kada je ovo težilo ka tome da bude svojevrsno srozavanje samog čina imenovanja ministrice. Ja bih volio da neki kolege zastupnici pogledaju stenogram ili da pogledaju snimak kada već TVSA prenosi pa da vidite na šta to zapravo liči. Zaista je nedopustivo o ovakvim stvarima razgovarati a onda polemika se počela voditi o tome o komunalnom segmentu čišćenja Kampusu a mi govorimo o imenovanju ministrice. Zašto to dopuštamo sebi i srozavamo sebe i u neku ruku da tako kažem prepavamo buduću ministricu i ja mislim da je ona sada sva isfrustrirana zbog činjenice da je vidjela gdje je zapravo došla. Međutim, ja je ohrabrujem i ta činjenica da se mijenjaju ministri ne znam koliko puta, pa talijanska Vlada pada svaka tri mjeseca, i pada je, to ništa nije, to je sve sastavni dio demokratske procesa. Bitno je da se počne raditi i da se da na neki način nada onim studentima, krajnjim korisnicima koji su najbitniji u svojoj priči, i da im se da ravnopravna mogućnost da se obrazuju. Ministrice ja vas neću ni na koji način ni prepapati ali isto tako ne želim na bilo koji način da uljepšavam stvarnost čiji ćete biti vi dio. Ali ću vam samo sugerirati nekoliko stvari. Bit će vam težak posao, došli ste u nezgodno vrijeme. Imali smo u jednom trenutku na prošloj sjednici jednu brutalnu odluku kada je riječ o studentima. A ja ću imati i inicijativu glede toga da pokušate ispraviti nepravdu koja je načinjena studentima. Studentima se ministrice naplaćuje upotreba biblioteke 100 KM. Ne znam od 40 do 100 KM. Tu biblioteku nisu koristili prošle godine zbog pandemije. Studentima se naplaćuje za informacijski sistem, pa oni ga grade, po 20 KM. Studentima se naplatilo i to što su navodno koristili vježbe a znamo da je uglavnom online nastava bila i nisu koristili te kapacitete. Oni se osjećaju opljačkanim. Nanesena im je nepravda. Treba to pokušati ispraviti i okrenuti se studentima i poboljšanju uvjeta u kojim će oni studirati a ne ni na koji način da se diskriminiraju pa će se desiti nakon ove brutalne odluke koja se desila, desit će se i to da neki neće moći da upišu sljedeću akademsku godinu zato što nisu, zbog jednog parcijalnog ispita. Znači nismo imali osjećaja za tako nešto. Neću nikome da sipam so na ranu, nije ni trenutak, i dat ću svojevrsni doprinos da se što prije desi ovo imenovanje i da vas zamolim predsjedavajući zaista potpuno bespotrebno da više raspravljamo o bilo kakvim stvarima. Udaljavamo se od teme a suština je da napokon pošaljemo javnosti poruku da konstruktivno želimo da radimo pa stavite na glasanje, ko želi da da podršku novoj ministrici neka da, ko ne želi, njegovo je pravo. Dakle i ono na kraju. Čini mi se ministrice ostanite svoji. Uvjerili ste se da ovdje, govorimo o obrazovanju, obrazovanje van politike, a vidjeli ste kako politika ima naravno ambicije da i te kako utiče na procese i to presudno. Nemojte to dopustiti. Ostanite svoji. Ostanite vjerni svom opredjeljenju. Meni je najvažnije iz vašeg CV koji respektiram, meni je najvažnije da ste sudjelovali dvije godine čak i na međunarodnom planu vezano za reformu obrazovanja. A to kako je u drugim, naravno i druge zemlje koje poštuju sebe, odnosno predstavnici vlasti, mi često govorimo o Albaniji takoreći kako u Albaniji ovo, pogledajte univerzitet u Albaniji, Nona Tereza, odnosno Majka Tereza pa ćete vidjeti na šta to liči. I to je za nauk svima. Ali ljudi poštuju sebe, obrazovni sistem itd. Što se tiče Zakona o visokom obrazovanju, naravno bio sam jedan od najvećih kritičara i nemojte da se prepadnete, ostanite dosljedni, pa čak i kada vam uputimo kritike zaboravite na sujetu. Vi imate puno pravo da radite i svima nama možete, vjerovatno, držati predavanja za ovako nešto, ali naše je pravo i mi smo izabrani predstavnici i uvijek ćemo biti tu da vas kritiziramo na neki način, da upućujemo sugestije. Ali to je sasvim prirodno. A ne kao što je slučaj bio, ukazivao sam, bio sam jedan od najvećih kritičara visokog obrazovanja i ministrica vaša prethodnica, je

zamjerilo očigledno i dosta sujetno reagirala na to. Nisam želio da da ostavku ni na koji način. Ali ugrožavati humanističke nauke koje su temelj jednoga društva, toliko barem znam, je pogubno i nedopustivo. I tada sam rekao a sada ponavljam, dovoljno je da pogledate Zakon o visokom obrazovanju u Crnoj Gori. Samo promijenite zaglavlje i vi ćete biti na dobrom putu uz potrebu da adaptirate taj Zakon i ta rješenja ovdje, u ovaj sistem. Hvala vam i nadam se da ćete vi predsjedavajući uvažiti moju sugestiju, dajte da glasamo jer ovo stvarno. Da izađemo iz ovog besmisla. Hvala.

Predsjedavajući.

Replika zastupnik Damir Marjanović.

Poslanik/zastupnik Damir Marjanović:

zahvaljujem predsjedavajući. Zahvaljujem kolegi Mariću a ovakvoj diskusiji. Kolega Marić je jedan iskusni parlamentarac koji već godinama prati jako pomno sve stvari koje se dešavaju u ovom društvu, pa ima izgrađeno mišljenje o mnogim stvarima vezano je i za visoko obrazovanje. Nisam htio da idem s ispravkom netačnog navoda, nego sam htio s replikom. Bila je jedna izjava u kojoj se kaže da je nacrt Zakona uvažena ministrica bivša Melika Husić-Mehmedović ugrožava društvene nauke. Ja ću zamoliti kolegu Marića da mi tačno iz ovog nacrta člana Zakona kaže koji to dio ugrožava društvene nauke? To je prva stvar. I druga stvar, zamolit ću kolegu Marića samo da mi da jednu studiju na koji način možemo Zakon Crne Gore koji je na nivou države, primijeniti kao Zakon o visokom obrazovanju za ovaj kantonalni nivo, pošto imamo malo različite sisteme relacija i funkcioniranja države vezano za visoko obrazovanje. S obzirom da ovo kolega Marić već drugi ili treći put govori, mene jako zanima, možda nemam tu studiju, bilo bi jako zanimljivo to da vidim. Dakle zanima me koji član nacrta ugrožava društvene nauke konkretno? Tačno član Zakona, pošto je rekao da je kolegica Husić-Mehmedović upravo to uradila. I vezano za ovo na koji način primijeniti Zakon Crne Gore vezano za Zakon o visokom obrazovanju Kantona Sarajevo. Hvala velika.

Predsjedavajući.

Poslovnička intervencija dopredsjedavajuća Kristić.

Dopredsjedavajuća Danijela Kristić:

zahvaljujem predsjedavajući. Pa ja bih stvarno zamolila sve kolegice i kolege da se vratimo na tačku dnevnog reda. O nacrtu Zakona ćemo imati sigurno priliku da raspravljamo kada bude tačka dnevnog reda. Hvala.

Predsjedavajući.

Odgovor na repliku zastupnik Marić.

Poslanik/zastupnik Zvonko Marić:

zahvaljujem predsjedavajući. Pa da vam iskreno kažem, vidi se profesionalna deformacija kod kolege Marjanovića. On bi mene da propituje a i ja sam radio u obrazovnom sistemu, i ja sam propitivao i propitivao sam kao novinar. Mislim da je vrlo neprimjereno ali pošto vi vrlo često za sebe kažete da ste znanstvenik ovdje, da vam ja sada govorim o crnogorskom Zakonu bilo bi izvan ove teme. Imate priliku i da pogledate crnogorski Zakon a osim toga vi znate da je prema Dejtonskom sporazumu obrazovanje u nadležnosti Kantona Sarajevo. To je dakle taj način ovog društva i kako funkcioniranja. Ali može se prepisati i primijeniti. Zašto se ne bi to mogli primijeniti iz Crne Gore model ovdje u Kantonu Sarajevo koji bi bio primjer i za druge kantone. Znamo da koordinirajuću ulogu ima Federalno Ministarstvo. I sada da ja ne bih odgovorao na vaša pitanja što se tiče humanističkih nauka, vi ste taj pobornik da ste, vidite kako dobro pamtim. Vi ste rekli da broj citiranih, iznenadili ste, da ste impresionirani koliko

puta je citirana. Ali ja ću vas samo podsjetiti kada govorite o tim stvarima da je manje važno citiranost kada je riječ o društvenim naukama i izjednačavati sa ostalima. Bubrež je bubrež i on će biti citiran u međunarodnoj relevantnoj znanstvenoj literaturi. Ali baš nekoga briga u toj međunarodnoj relevantnoj literaturi za stilske figure kod Meše Selimovića, kod Ive Andrića itd. I nemojte molim gospodine Marjanoviću, ja sam očekivao da će to biti veća razina nečega i da sada propitujete u ovakvom trenutku, nije ni vrijeme ni mjesto ali nije ni primjereno. Ali mogao bih i možemo to ostaviti za drugu priliku ili tematsku sjednicu neku zakazati pa razgovarati o tim temama. A ne da vi mene propitujete. Imate sve i imate na Internetu i Zakon o visokom obrazovanju Crne Gore i sve drugo što sam vam rekao. A ovaj nacrt Zakon o kojem sam ja govorio zna se. Nisam ja potakao ovo ali eto.

Predsjedavajući:

kolega Mariću molim da se vratite na temu. Svi kritikujete onda svi se upustite u dodatne rasprave. Kolega Marjanoviću odgovor na repliku, molim vas što kraće.

Poslanik/zastupnik Damir Marjanović:

jako kratko. Zahvaljujem se. Znači citiranost se nigdje ne spominje u nacrtu Zakona kao kriterij za izbore. To je prva stvar. Druga stvar jako sam dobro upoznat sa Zakonom Crne Gore o visokom obrazovanju, jako sam upoznat sa njegovim dobrim stranama i lošim stranama. Očigledno vi niste. Što nije sasvim uopće problem i ne treba da budete upoznati. Treća stvar, vezano za profesionalnu deformaciju, ovo neću vezati za nauku, nego ću vezati malo za ono forenzike koje znam. Kada nešto govorite, temeljite se na činjenicama kolega Mariću. Ja ću vas rado podržati vezano u prvom dijelu što ste spomenuli vezano za priču o bibliotekama i svemu ostalom i znam odakle to dolazi. Tu imate podršku. Ali u ovom momentu ako već spominjete nekoga, ako nekoga optužujete onda morate imati i određene činjenice. Hvala velika.

Predsjedavajući:

ne mogu više dozvoliti na ovu temu replike nikome. Prva diskusija zastupnik Damir Nikšić. Izvolite.

Poslanik/zastupnik Damir Nikšić:

ma ja bih samo kratko da pročitam što mi je palo na pamet da napišem. Dočekati kandidatkinju za ministricu lijepim riječima i pohvalama je uobičajena pristojnost koju smo dužni upriličiti i koju smo pokušali upriličiti ovdje na početku. Vjerujem da taj dekorum može nekoga da iritira ali to je individualno. I stvar je lične kulture ili pak sujete. Moje mišljenje je da od toga ne treba bježati ili praviti skandal jer radi se o jednoj civilizacijskoj normi koju smo dužni ispuniti prije glasanja. Zato predlažem da krenemo na glasanje i da čestitamo što prije novoj ministrici.

Predsjedavajući.

Hvala zastupniku Nikšiću. Zastupnik Dević.

Poslanik/zastupnik Mahir Dević:

hvala predsjedavajući. Kratko ću u drugoj diskusiji. Znači mi nećemo dati podršku imenovanju ministricice i radi javnost još želim da kažem da ću kolegu Vedrana Jakupovića prijaviti Etičkoj komisiji za jezik ulice koji koristi u Skupštini Kantona Sarajevo već nekoliko puta prema meni. Ne prihvatam vaše izvinjenje kolega Jakupoviću jer to radite namjerno, koristite taj jezik ulice, čiji je autor vaš predsjednik stranke, i predsjedavajući vas ću još jednom zamoliti nemojte to raditi.

Predsjedavajući.

E sada ja vas upozoravam kolega Deviću, upozoravate a onda vrijeđate druge. Kako ne vrijeđate? Vi znate ko je autor?

Poslanik/zastupnik Mahir Dević.

Znam, da.

Predsjedavajući.

Pa upozoravate nekoga da ne vrijeđa a onda vi vrijeđate druge.

Poslanik/zastupnik Mahir Dević.

Ne vrijeđam ja nikog. On je autor tog termina.

Predsjedavajući.

Ne mogu vam to stvarno dozvoliti. Opet zloupotrebljavate.

Poslanik/zastupnik Mahir Dević:

očekujem da će Etička komisija kazniti kolegu Vedrana Jakupović za njegovo ponašanje u Skupštini jer je krajnje vrijeme. A vama na čast predsjedavajući na vašu vjeru koju propagirate javno i na vaš moral i etiku što dozvoljavate ovakvu diskriminaciju u Skupštini Kantona Sarajevo.

Predsjedavajući:

imate procedure propisane Poslovníkom podnesite svoj zahtjev prijavu kako kažete i Etička komisija će postupiti po tome.

Zastupnik Haris Zahiragić.

Poslanik/zastupnik Haris Zahiragić:

hvala predsjedavajući. Ja nisam želio da koristim vrijeme za replike pa ću u drugoj diskusiji samo da se osvrnem na par iznesenih činjenica u ranijim diskusijama kolega. Kolegica Vildana Bešlija nakon što sam ja kazao da bi se trebao Kampus renovirati i da to očekujem od ministrice da bi smo svi mi to trebali uzeti kao jedan od prioriteta da se tamo zaživi, da se vrati život, ona je kazala da su citiram "pa mi smo očistili šikaru". To je meni šokantno ako ćemo se hvaliti ko je očistio šikaru i ko je pokosio travu a nećemo imati podršku za razvoj tog Kampusa kao mjesta susreta mladih, nauke i izvrsnosti onda zaista me e sramota što sjedim u ovoj Skupštini Kantona Sarajevo. Druga stvar govorili smo samo o Zakonu. Finansijski izvještaj UNSA je nedavno bio na ovoj Skupštini s ozbiljnim problemima, s desetinama miliona na nekim pozicijama na kojima ne bi trebao da bude sa ozbiljnim vrlo ozbiljnim izvještajem interne revizije. Ja i kolegica Tokić, ne znam i još par kolega iz Kluba smo to diskutovali niko se na to nije osvrnuo. Na žalost to je naš odnos prema UNSA. I treća teza koju sam čuo, čini mi se da je kolega Jakupović to kazao, neka me ispravi ako griješim, to često SDA odu na jedan fakultet pa magistriraju ovdje. Pranje diploma je problem koji sam ja lično prvi etablirao u Kantonu Sarajevo. A to da li SDA-ovci rade ili neko drugi radi, ja ne mogu govoriti. Ali mogu samo reći što imam obavezu radi javnosti da ne bi ostalo nešto ne razjašnjeno da je moja kolegica Jasmina Bišćević-Tokić doktor medicinskih nauka, da je moj kolega Mahir Dević profesor pedagogije sa Filozofskog fakulteta UNSA, da moja kolegica Smiljana Viteškić doktorica sa UNSA, da je moj kolega Hamed Aljović, ovaj pristojni tihi čovjek ovdje profesor matematike i fizike na UNSA, da je moja kolegica Amra Hasagić ekonomista iz realnog sektora sa UNSA, da je naš Traca kapiten Sabahudin Delalić jedan od rijetkih ljudi koji su zaista studirali i završili Fakultet sporta i tjelesnog odgoja a ne dobili diplomu, ima sportske ozbiljne uspjehe. I da se vratim da je doktor Halebić doktor nauka

ekonomskih, da je ministar Kapidžić bio u ranijoj Vladi i renomirani arhitekta sa UNSA, Kenan Alikadić vrhunski pravnik sa UNSA. Nihada Glamoč inženjer mašinstva sa UNSA, Elvedin Grabovica Vojna akademija general bio je resorni ministar za boračka pitanja. Ministar Adi Kalem nije završio rubni fakultet kao neki drugi ministri saobraćaja nego je inženjer saobraćaja UNSA. Molim vas kolega Jakupoviću ukoliko već želite implicirati nešto SDA izbjegnite ovaj Klub jer ovdje zaista ne možete na ovom tragu niti jedan jedini argument naći. Hvala. Nadam se da nećemo ići u dalju diskusiju.

Predsjedavajući.

Druga diskusija dopredsjedavajući Vibor Handžić.

Dopredsjedavajući Vibor Handžić:

zahvaljujem predsjedavajući. Kratko ću. I ovu tačku dnevnog reda smo pokazali da smo mi šampioni obesmišljavanja mnogih tačaka dnevnog reda. I nisam htio da se javljam za repliku zaista jer sam želio da izbjegnem situaciju koju smo imali prošli put kada smo imenovali ministricu Softić-Kadenić da joj poželimo, ironično da kažem dobrodošlicu kako smo joj poželjeli. I želio sam zaista da izbjegnem kroz replike tu situaciju. Da i gospođu Nikolić poželimo dobrodošlicu da se pokaje što se uopšte odlučila da se bavi ovim poslom. Moram vam još jednom gđo Nikolić zaista poželiti sreću i reći vam da sam zaista sada više i puno sigurniji nego što sam bio u prvoj diskusiji da je naš prijedlog vašeg imenovanja pravi izbor. Nikada do sada u ovom mandatu nisam čuo manje ubjedljivu argumentaciju zašto nešto ne treba uraditi, u ovom konkretnome slučaju imenovati vas za novu ministricu visokog obrazovanja. Čuli smo jednu cijelu plejadu argumenata jedan cijeli proces skeniranja problema i stanja na UNSA, što i ja znam da jesu problemi i da situacija jeste takva. I čuli smo milijardu savjeta vama kako vi nešto trebate raditi. Samo nismo čuli ni jedan argument zašto vi personalno niste osoba koja te probleme može riješiti i te aktivnosti provoditi na osnovu savjeta koje ste dobili a što ustvari jeste bila današnja tačka dnevnog reda sjednice Skupštine Kantona Sarajevo. Zahvaljujem.

Predsjedavajući:

zastupnik Vedran Jakupović.

Poslanik/zastupnik Vedran Jakupović.

Zahvaljujem predsjedavajući. Kolega Zahiragić je otišao vjerovatno nije čuo da sam rekao da i SDA ima te probleme sa rubnih univerziteta a da ni slučajno ne bih nipodaštavao obrazovanje obrazovanje i kolega koji su ovdje trenutno i velikog broja ljudi koji su unutar SDA a jako su visoko obrazovani i kvalitetni kadrovi. Druga stvar koja je vezana kolega Zahiragić je spomenuo ja ću samo primjer dati dvoje ili troje njih već je kolegici Bešliji spočitalo to čišćenje Kampusa. S jedne strane to nije nikome smetalo 20 godina a s druge strane što je bitnije postojale su opstrukcije dugi niz godina unutar općine Novo Sarajevo, neću ulaziti u detalje, ministrica će se uključiti u to, i dok nije došao novi načelnik Općine Novo Sarajevo neke stvari nisu pomaknute sa mrtve tačke. Ljudi koji su se bavili time mogu posvjedočiti dokle su ih tjerali administrativci unutar struktura koje dokumente da traže do Beograda samo da bi usporili ili čisto obesmislili izgradnju Kampusa. Nešto se isto ili slično desilo prije godinu i po dana kada je bilo riječ o izgradnji zgrade Fakulteta zdravstvenih studija. Kada sam rekao izvinjavam se zbog rječnika, izvinjavam se građanima Kantona Sarajevo ali nekada neki ljudi ne znaju drugačiji rječnik ni da razumiju tako da ako je kolega Dević smatramo da sam se njemu lično izvinuo, nisam. Hvala.

Predsjedavajući:

Zaključujem raspravu.

MOLIM ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU IMENOVANJA MINISTRICE MINISTARSTVA ZA NAUKU I VISOKO OBRAZOVANJE I MLADE KS.

Zamolio bih da zastupnici uđu i zauzmu svoje pozicije. Kolega Zahiragiću hoćete li ući da vas pričekamo? Nigdje ne žurimo, ima još do džume.

Molim službu da nam omogući da se izjasnimo. Zaključujem glasanje. Molim službu da objavi rezultate glasanja. Za je glasalo 21 zastupnik, protiv ništa, suzdržanih 7.

Konstatujem da je Skupština donijela ovu odluku.

Molim gospođu Aleksandru Nikolić da pristupi davanju Svečane izjave.

Svečano izjavljujem da ću povjerenju dužnost obavljati savjesno, pridržavati se Ustava i Zakona Bosne i Hercegovine, Federacije Bosne i Hercegovine i Kantona Sarajevo, zalagati se za ljudska prava i slobode, i da ću u svim prilikama štiti interese Bosne i Hercegovine, Federacije Bosne i Hercegovine i Kantona Sarajevo i ravnopravnost naroda i građana koji u njima žive.

U svoje lično ime i u ime Skupštine Kantona Sarajevo vam čestitam i želim vam puno sreće u daljem radu.

Zamolio bih zastupnice i zastupnike da se vrate na svoja mjesta kako bi mogli nastaviti sjednicu.

Prelazimo na drugu tačku dnevnog reda:

AD-2.

POSLANIČKA/ZASTUPNIČKA PITANJA INICIJATIVE I ODGOVORI

Zastupnica Amra Hasagić se prva prijavila. Izvolite. Imate riječ.

Poslanik/zastupnik Amra Hasagić:

zahvaljujem predsjedavajući. S obzirom da se javljam prvi put, pozdravljam kolegice i kolege zastupnike, članove Vlade i sve one koji na bilo koji način prate rad današnje sjednice. Još jednom novoizabranoj ministrici želim sretan i uspješan rad i zasigurno sam da ćemo imati vrlo solidnu i uspješnu saradnju.

Upućujem pitanje Senatu Univerzitetu u Sarajevu koje glasi: Koje je službeno tumačenje izmjena Zakona o visokom obrazovanju Kantona Sarajevo usvojenih na zadnjoj Hitnoj sjednici Skupštine Kantona Sarajevo? Molim da mi se isto službeno dostavi uz prateće obrazloženje.

Upućujem pitanje Ministarstvu za boračka pitanja Kantona Sarajevo koje glasi: kakav je službeni stav Ministarstva po pitanju promjene imena okolnog kompleksa kasarne Šemso Baručija i da li je sve urađeno u skladu sa procedurama? Ja bih molila pismeni odgovor i dostavit ću ostala pitanja u pisanoj formi. Zahvaljujem.

Predsjedavajući:

zastupnica Vildana Bešlija. Izvolite, imate riječ.

Poslanik/zastupnik Vildana Bešlija:

hvala predsjedavajući. Ja ću pročitati jednu inicijativu. Naime, budući se svako treće dijete u dobi do četvrtog razreda osnovne škole susreće sa problemima poput skolioze, a razlog su preteške školske torbe, podnosim inicijativu da Ministarstvo za odgoj i obrazovanje pokrene

projekat digitalizacije udžbenika za narednu školsku godinu koja će biti obavezna za svakog izdavača kao jedno od rješenja za dugogodišnji problem. Hvala vam.

Predsjedavajući.

Zastupnik Dževad Poturak.

Poslanik/zastupnik Dževad Poturak:

zahvaljujem predsjedavajući. Selamim i pozdravljam sve prisutne. Za danas imam nekoliko pitanja za direktora Opće bolnice gospodina Gavrankapetanovića ili za uvaženog ministra Vranića.

Poštovani, kao što vam je jako poznato trudnica iz Sarajeva koja je u 21 sedmici trudnoće oboljela od teškog respiratornog distres sindroma prebačen je hitno u Zagreb zato što Opća bolnica "Prim. Dr. Abdulah Nakaš" ne posjeduje ovakav medicinski aparat. Iz informacija koje su objavili mediji ovaj aparat posjeduje naš KC ali i bolnice u Tuzli, Banja Luci itd. Radi se o aparatu koji košta kako je izjavio uvaženi prof.dr. Ismet Gavrankapetanović direktor OB, nekoliko desetina hiljada maraka. Da napomenem ECMO je invazivan postupak, njime se uz pomoć karaktera izvlači krv iz organizma, aparatu se zatim dodaje kisik, te ponovno vraća u organizam te tako se zamjenjuje rad plućima. Prema mojim informacijama na žiro računu OB već duže vrijeme se nalazi više od 3 miliona KM. Nekoliko pitanja u vezi ovoga. Zašto uvaženi menadžment ove ustanove nije već ranije ušao u nabavku ovog spasonosnog aparata jer je očigledno da finansijska sredstava nisu bila problem? Vjerujem da bi i Ministarstvo zdravstva i ZZO svakako bili odgovorni ako bi uopće bilo potrebe za nekim dodatnim finansijskim sredstvima jer se ne radi o preskupom aparatu, naročito kada se uzme u obzir da je pojedina medicinska oprema OB plaćena i više od milion KM po pojedinačnoj nabavci, što je neuporedivo skuplje od ovog aparata. Jedno pitanje je kada će nakon ovog iskustva sa oboljelom trudnicom i očekivanja da će zbog korone biti još hitnih potreba za ovom medicinskom procedurom, menadžment OB nabaviti ovaj uređaj i hitno ga staviti u funkciju? Također koristim priliku da kao zastupnik prenesem brojne upite koji dolaze do mene zašto porodice najteže oboljelih pacijenata moraju najskuplje lijekove Rendesivir, Tocilizumab moraju kupovati u privatnim apotekama, donositi ljekarima i onda po nekoliko mjeseci čekati da im ZZO to refundira? Postavljam pitanje isto tako zašto se preko bolničke apoteke i ovlaštenih farmaceutskih kuća ne izvrši direktna kupovina ovih i drugih lijekova direktno od proizvođača jer bi se time izbjegla zarada u koju se ugrađuju privatne apoteke i novac ZZO koji vrši refundaciju odnosno novac nas građana. Još nekoliko pitanja za iste. Jeste li obezbijedili da vam svi medicinski aparati budu zakonski verifikovani ili će te tretirati pacijente neispravnom opremom od kraja oktobra jer vam ističe rok valjanosti za sve aparate, što znači da će već krajem oktobra svi pacijenti da vas tuže jer ih tretirate neispravnom opremom? Hoće li se ovo možda desiti situacija kao i sa industrijskim kisikom u RS; što ja ne bih volio. I da li je ovo možda nagovještaj neke nove afere. Gospodina Ismet Gavrankapetanović ili uvaženi ministar Vranić da mi daju odgovore na ovih nekoliko pitanja koja su goruća ovih dana i nadam se kvalitetnom odgovoru i zahvaljujem predsjedavajući.

Predsjedavajući:

hvala kolegi Poturku. Zastupnik Damir Marjanović.

Poslanik/zastupnik Damir Marjanović:

zahvaljujem predsjedavajući. Jedan kratki uvod, prošle sjednice smo imali jako burnu diskusiju koja je trajala dugo u noć glede izmjena Zakona o visokom obrazovanju. Nakon te sjednice sam imao priliku da imam i jedan neformalni sastanak sa velikim brojem studenata ispred Skupštine, nekako se za njih najviše vezala ona priča da hoće bezuvjetni prelaz na drugu godinu. Međutim u toj diskusiji koja je trajala sigurno sat vremena, ti mladi ljudi su

ipak u fokus stavili neke druge probleme i ja imam obavezu da ono što su oni rekli tu noć kao i što sam obećao da otprilike postavim pitanje ovdje. Odmah da kažem neću uzeti priliku kolegi Mariću koji je već napomenuo da će postaviti određena pitanja vezano za novac koji se izdvaja za biblioteku i novac za IT, ali moram priznati da me kao zastupnika definitivno zanima i očekujem stvarno od UNSA i ministrice da nam dostavi informacije o kojem iznosu je riječ i koliko novca je do sada prikupljeno i koliko je stvarno uloženo i koliko je opravdano bilo to uraditi posebno u proteklim godinama. Što se tiče druge stvari evo da se referiram kolegica Hasagić je postavila pitanje, ovdje ću zamoliti kolegu Aljošu Čamparu koji je predsjedavajući Ustavno pravne komisije da nam kaže zato što znam da su kolege iz SPUS podnijeli zahtjev za tumačenje izmjena Zakona zato što se ne slažu sa odlukom čini mi se Senata UNSA i mi smo ih uputili na tu proceduru, pa bih samo zamolio kolegu Čamparu da nam kaže u kojoj je fazi ta procedura. Maloprije sam ga kontaktirao i rekao je da će to definitivno uraditi. Ono što me sada zanima jeste da dobijem informaciju iz Ministarstva za visoko obrazovanje, nauku i mlade, a normalno da oni to potraže u menadžmentu UNSA, da li i kakvi su uvjeti studiranja za studente sa invaliditetom i da li i koliko treba da se uloži u optimizaciju uvjeta da bi se oni doveli na europske standarde? Druga stvar, zamolit ću Ministarstvo za visoko obrazovanje, nauku i mlade Kantona Sarajevo da provjere navode koje sam čuo a to je da pojedini profesori mimo Zakona prodaju svoje knjige na fakultetima. Hajde što prodaju, nego uvjetuju da se te iste knjige moraju kupiti, i to uvjetuju da student koji ne kupi knjigu ne može da izađe na ispit ili malte ne pada. To prosto ne mogu da vjerujem kao član akademske zajednice da neko može biti tako neetičan, neprofesionalan. To su studenti naveli kao jedan od problema i ja ću stvarno zamoliti ministricu da to provjeri. I ako bude trebalo raditi nešto u tom pravcu, onda definitivno ću zamoliti ovu Skupštinu kada dobijemo i ovu informaciju da djelujemo. Nadalje, na tom sastanku spomenuto je da pojedini dekani šefovi odsjeka i uposlenici UNSA imaju enormna dodatna primanja na osnovu ugovora o djelu i na osnovu nekih projekata gdje koriste resurse UNSA za stvaranje dobiti. To je ono što nam je tada prezentirano. Molim Ministarstvo finansija i ministarstvo za visoko obrazovanje, nauku i mlade Kantona Sarajevo da nam dostavi pregled, ne mora, zaštititi ćemo mi osobne podatke, ali da li pojedini i koliko pojedini voditelji organizacionih jedinica menadžmenta, nebitno je, primaju imaju dodatna primanja i izvore tih primanja. Jer malo je nelogično, prosto nisam mogao da vjerujem da sada ne bih špekulisao nekim stvarima ali prosto nisam mogao da vjerujem da bi neko možda u pandemiji i ovoj godini mogao da isplati sebi desetine hiljada maraka na osnovu nekih ugovora o djelu i projektnih aktivnosti. I sada bih samo zamolio ministricu pravde, nedavno sam pročitao informaciju, vezao za odluku Ustavnog suda glede obustave postupka o razdvajanju ministarstva. Ja bih stvarno o zamolio kao član Skupštine Kantona Sarajevo samo da mi se pojasni ta odluka od nekoga ko je ekspert, a ministricu pravde zaista smatram ekspertom. Hvala velika.

Predsjedavajući:

zahvaljujemo se kolegi Marjanoviću. Zastupnica Jasmina Bišćević-Tokić sljedeća.

Poslanik/zastupnik Jasmina Bišćević-Tokić:

imala bih dva pitanja i molila bih usmene odgovore na oba. Prvi je za premijera Fortu zašto do sada već nije potpisan kolektivni ugovor radnika u zdravstvu jer poslije evo duže vremena više niko ne spominje taj kolektivni ugovor, pa bih molila premijera da mi usmeno odgovori. I sljedeće pitanje imam za ministra Katicu, isto tako usmeni odgovor. Javili su mi se građani sa područja Reljeva i Dobroševića koji su zabrinuti zbog ukidanja PU u Reljevu. Kažu da je upravo otvaranjem ove PU stopa kriminala smanjena za 50%. prije par godina znamo svi da je u Reljevu ubijen policajac ispred crkve pravoslavne i građani su stvarno zabrinuti. Evo ja bih molila ministra Katicu da mi usmeno da pojašnjenje zašto se ide u zatvaranje ove PS? Zahvaljujem.

Predsjedavajući:

zahvaljujemo se zastupnici Bišćević-Tokić. Dopredsjedavajuća Smiljana Viteškić. Izvolite. Imate riječ.

Dopredsjedavajuća Smiljana Viteškić.

Hvala predsjedavajući. Dobar dan svima. Ja imam jedno pitanje za ministricu odgoja i obrazovanja Kantona Sarajevo.

Na osnovu kojih kriterija su izabrani recezenti za curriculum i koji broj recezenata je radio na istom? Drugo, molim da nam se dostave zapisnici komisije koje je imenovala recezente i po kojim kriterijima. Treće, veći broj kandidata koji su se javili na Javni poziv i nisu izabrani bi se žalili ali ne znaju kome. I četvrto, imate li obrazloženje zašto se utrošio toliki novac na recezente oko 30.000,00KM, bar tako imam informaciju, kada su curriculum uradili eksperti. I pisani odgovor želim.

Predsjedavajući:

zastupnik Zvonko Marić izvolite imate riječ.

Poslanik/zastupnik Zvonko Marić.

Zahvaljujem predsjedavajući. Na početku samo htio bih da se zahvalim Ministarstvu saobraćaja i ministru Šteti jer sam nekoliko puta pokretao inicijativu vezano za uspostavu željezničke stanice na relaciji Sarajevo – Pazarić gdje je veliko i ogromno i naselje također Vrelo Bosne to izletišta. I atraktivna destinacija. Međutim došlo je do malog nesporazuma čini mi se u terminologiji odnosno toponimima Blažuja i Binježeva i ministra Šteta je obećao da će razriješiti to pitanje i u to ime im se zahvaljujem ime onih koji će koristiti tu stanicu.

Međutim evo kolega Marjanović je rekao da ne želi da preuzima inicijativu koju sam već najavio a ona se odnosi na visoko obrazovanje. Ja pokrećem inicijativu, obavezuje se Ministarstvo visokog obrazovanja da u suradnji sa komisijom za visoko obrazovanje, opet kolega Marjanović, i predstavnicima studenata izvršne nadzor nad provođenjem Zakona o visokom obrazovanju u svezi sa normama koje se odnose a plaćanje članarine u bibliotekama, tretiranju studenata sa poteškoćama on ih je pomenuo, u razvoju i također studenata sa invaliditetom, i isto tako da izvrše nadzor nad naplatom 20 KM za potrebe ISSS. Također poznato je da zbog specifičnih okolnosti u kojima se odvijala nastava studenti nisu koristili kapacitete za vježbe a naplaćivano im je. I na kraju krajeva stoga pokrećem inicijativu da Ministarstvo resorno i Vlada naravno, razmotre procentualno smanjenje školarine za akademsku 2021/22 za te studente. Samo za tu godinu jer ima je naplaćeno prošle godine ono što nisu koristili uopće. I molim ministricu. Eto nije neki teret niti pritisak ali da se ima u vidu tu. I naravno bila je velika ministricine konfuzija za prenos predmeta u akademske godine u smislu da barem ujednačite stavove sa Senatom, odnosno ovo Ministarstvo a ne jedno Senat odluči, prvo jedno pa onda drugo, onda izazove konfuziju, kaos među studentima i njihovim roditeljima. To je zaista neprimjereno, nedopustivo. Dati im treba pravu informaciju a ne da iščekuju da se nečemu nadaju. I na koncu, evo za predsjedavajućeg koji je predsjedavajući Komisije za sigurnost, ali i ministra Katicu i Vladu, evo premijer Forto je tu, da mi odgovori, da li ste planira zamjena uniformi za policiju jer zaista je pohabana te uniforme. One nisu u skladu sa onom Uredbom, vi to znate, također i sa obućom. Već osam, devet godina. Da li se planira premijeru u budžetu ili na bilo koji način da se zanovi ta oprema, jer ljudi po osam godina nose istu opremu, uniformu. Kako se to zove radno-taktičku uniformu, obuću, itd.. to je zaista nedopustivo i urušava nekako ugled i policije, a znamo šta je policija i kakav je faktor u jednom društvu. I zato vas molim da samo odgovorite na to pitanje da li planirate u novom budžetu takvu neku stavku da se to učini i da se prilagodi. Eno obuća nije u skladu sa Uredbom važećom, također. I osim toga novi zaposlenici nemaju fluorescentne prsluke kada osiguravaju, vidio sam neki događaj ili slično. I

završit ću ovim, pa samo da date odgovor jer je zaista ponižavajuće da se ne desi da se nabave uniforme kao što je u vrijeme Muhameda Budimlića ministra rečeno da su radioaktivne a onda su podijeljene USK i BPK i Posavskom Kantonu. Zaista da ne dolazi do takvih neprimjerenih situacija pa ako može da mi odgovorite na to pitanje. Hvala vam.

Predsjedavajući:
zastupnica Bilsena Šahman.

Poslanik/zastupnik Bilsena Šahman:

hvala predsjedavajući. Pozdravljam sve kolege i naše sugrađane. Imam par inicijativa, ne želim da se danas izjašnjavamo jer za neke je potrebno i finansijska sredstava. Molim ministre u Vladi Kantona Sarajevo da svako u svom resoru, odnosno ustanova i preduzećima kojima upravljaju vrate radno vrijeme uposlenika na period prije pandemije jer svakodnevno smo svjedoci dugačkih redova ispred poslovnica Pošte, jedinica za naplatu „Toplane,, Sarajevogas,, „Vodovod,, Apoteke ,, I ostale ustanove gdje naši sugrađani plaćaju račune i obavljaju poslove važne za svakodnevno funkcionisanje I normalan život. Iako još uvijek imamo prijetnju od virusa ipak su brojke na sreću male I trebamo se vraćati u realan život.

Druga inicijativa je prema ministru saobraćaja. Poštovani ministre ako možete da krenete sa promocijom automobila na električni pogon. Građani koji imaju stare automobile a žele ih zamijeniti sa autima na električni pogon, da dobiju novčani podsticaj pri kupovini ili da budu oslobođeni poreza ili da se razmotri podsticaj za taksi prevoznike kako bi prešli na upotrebu ovakvih vozila jer na ovaj način štitimo životnu sredinu a i smanjujemo zagađenje.

Jedno pitanje za ministra Vranića. Da li ste upoznati sa situacijom u ambulanti Kovači u kojoj se već neko vrijeme smještena ambulanta za fizikalnu terapiju. Jutros sam bila tamo. Jako su loši uslovi, puno je pacijenata, neuslovno je, daleko je od gradskog prevoza. Naši pacijenti tu moraju doći ili taksijem ili sopstvenim prevozom. I ako može da se podhitno vrata na lokalitet gdje su u prije radili, a to je Vrazova gdje su zapravo i svi instrumenti koji su im potrebni.

Inicijativa prema Vladi Kantona ukoliko može da se izdvoje sredstva da se plate članarine učenicima i studentima koji nemaju uslove za učenje u svom domu jer nemaju računare ili knjige. Mladi koji su napravili homework obratili su se i ponudili su svoje prostorije. Molbu su poslali, ja je prosljeđujem uz svoju inicijativu. Molim da se ta molba razmotri. Zahvaljujem.

Predsjedavajući:
zastupnica Neira Dizdarević, izvolite imate riječ.

Poslanik/zastupnik Neira Dizdarević:

hvala predsjedavajući. Ja ću uputiti samo jednu inicijativu prema menadžmentu Doma zdravlja i molit ću hitno preispitivanje navodne odluke menadžmenta JU Dom zdravlja KS za angažovanje logopeda i osoblja Centra za mentalno zdravlje u Covid ambulantomama i na procesu vakcinacije građana KS. Naime obratili su mi se roditelji mališana čijoj djeci je neophodan tretman logopeda pri Domu zdravlja, ovo osoblje, koje je godinama deficitarno, je raspoređeno navodno u Covid ambulante . Usljed navedenog, dostupni termini su još rjeđi, u nekim slučajevima čak i potpuno odgođeni. Opće je poznata činjenica da je kod ove djece napredak jako spor, a nazadovanje ubrzano, sto još više naravno usložnjava ovu situaciju. Također, prema informacijama kojima raspolazem, u istoj situaciji se nalazi i osoblje Centara za mentalno zdravlje, što je posebno problematično u ovom (post) pandemijskom periodu, kada sve više naših sugrađana treba ovu vrstu pomoći i podrške. Navedena praksa nije bila uobičajena ni u periodima puno teze epidemiološke situacije u KS, kada smo dnevno imali i po 1000 novooboljelih u KS. Također, Vlada KS je u više navrata izlazila u susret i podržavala kadrovsko jačanje ustanove. Na bazi navedenog, smatram da je potrebno

preispitati potrebu ovakvog angažovanja navedenog osoblja, posebno uzimajući u obzir naravno ranjivost populacije na koju ovakve odluke imaju najveći uticaj. Toliko, hvala.

Predsjedavajući:
zastupnica Jasna Duraković.

Poslanik/zastupnik Jasna Duraković:
zahvaljujem predsjedavajući. Ja za danas imam jednu inicijativu i nekoliko pitanja. Pa evo počeo ću sa inicijativom.

Podnosim inicijativu prema Vladi KS i Ministarstvu zdravstva KS da u roku od sedam dana odobri popunjavanje svih upražnjenih radnih mjesta u Domovima zdravlja u KS, za koja već postoje obezbijeđena finansijska sredstva od strane Zavoda zdravstvenog osiguranja, a koja su u ovom trenutku prazna zbog objektivnih okolnosti poput odlazaka u penziju, samovoljni odlazaka i drugi razloga. Obrazloženje: Postoji opravdana potreba da se popune ova radna mjesta neophodnim medicinskim kadrom jer postoje obezbijeđena sredstva od strane ZZO, kao i prijevremena potreba da se u složenoj epidemiološkoj situaciji u KS, koja se i dalje usložnjava i vidjet ćemo da će to biti problem vjerovatno od novembra mjeseca, dakle potreban je veći broj ljekara, medicinskih sestara i drugog deficitarnog medicinskog kadra koji su neophodni za rad u Domovima zdravlja u KS. Potrebno je ovdje promptno krenuti u realizaciju ove inicijative kako bi se našim građanima omogućila kvalitetnija medicinska usluga i olakšao put pacijenta.

I evo nekoliko pitanja koje ću uputiti kako premijeru, tako i ministru privrede.

Da li postoji plan Vlade KS za suzbijanje divljanja cijena hrane, vidimo da je to zaista veliki problem u posljednjih par mjeseci su jako skočile cijene hrane, osnovnih namirnica, kojim svjedočimo, naročito je ovo poskupljenje zapaženo u poljoprivrednim proizvodima? Da li Vlada KS može djelovati sa povećanjem podsticaja za poljoprivredu, povećanjem zasijanih površina i drugim sličnim mjerama? Postoji li spreman plan da se na vrijeme djeluje? Toliko za danas, zahvaljujem. I tražim usmeni odgovor ako nije problem.

Predsjedavajući.
Zastupnik Samir Suljević.

Poslanik/zastupnik Samir Suljević:
hvala predsjedavajući. Pozdravljam sve prisutne koji učestvuju u radu današnje sjednice Skupštine Kantona Sarajevo kao i gledaoce koji prate pored malih ekrana.

Imam zastupničko pitanje koje upućujem Ministarstvu za komunalnu privredu. Kako je funkcionisanje deponije Smiljevići, jedan od ključnih problema KJKP „Rad“, d.o.o. Sarajevo, postavljam zastupničko pitanje dokle se došlo sa realizacijom Projekta, definisanih vodnom i okolinskom dozvolom, na deponiji Smiljevići, koji su tretirani Zaključkom Skupštine KS i Vlade KS, od 27.06.2019. godine, a do sada nisu realizovani, niti su preduzete adekvatne mjere i aktivnosti za realizaciju, do roka utvrđenog dozvolama. To su projekti na izgradnji postrojenja za predtretman podzemnih voda deponije Smiljevići i izgradnja kolektora Zabrdje-Butila, od kojih zavisi funkcionisanje deponije Smiljevići. Kako je i projekat za izgradnju, kao i sama izgradnja novih ploha za komunalni otpad u velikom kašnjenju, može se desiti da Deponija, na proljeće, neće imati kapacitet za dalje odlaganje. Takođe me interesuje da mi se da informacija o tome, da li će planirana sredstva za 2022. godinu biti dovoljna da se ispune uslovi Vodne i Okolinske dozvole, na koje se Vlada KS obavezala?

Također podnosim inicijativu Ministarstvu za rad socijalnu politiku, raseljena lica i izbjeglice Kantona Sarajevo, kao i Općini Novo Sarajevo da Skupština Kantona Sarajevo zaduži Ministarstvo za rad, socijalnu politiku, raseljena lica i izbjeglice, da u suradnji sa Općinom

Novo Sarajevo, što hitnije, nađe adekvatan prostor za smještaj Službe socijalne zaštite općine Novo Sarajevo, koja je u sastavu JU „Kantonalni centar za socijalni rad”. Imajući u vidu da uposlenici Službe socijalne zaštite općine Novo Sarajevo, duži niz godina rade u neadekvatnim prostorijama, podijeljenim u dva različita, nefunkcionalna objekta, od kojih, jedan to je ona podsjećam u objektu Taxi doma Hrasno ima nefunkcionalan prilaz, kako za uposlenike, tako i za korisnike usluga Centra, smatram da je krajnje vrijeme da se ovaj problem riješi, na način iznalaženja adekvatnog prostora. Smatram da Ministarstvo za rad, socijalnu politiku, raseljena lica i izbjeglice, u suradnji sa Općinom Novo Sarajevo, ovaj problem može brzo riješiti, te da im za isto ne treba više od 6 mjeseci. Hvala.

Predsjedavajući:
dopredsjedavajuća Danijela Kristić.

Dopredsjedavajuća Danijela Kristić:
zahvaljujem predsjedavajući. Ovim putem podnosim inicijativu da se u 2022.godini obezbijede sredstva da se osnovnim i srednjim školama provede projekata obavezne obuke iz kardiopulmonalne reanimacije za školsku djecu. Obrazloženje. Iznenadni srčani zastoj treći je najčešći uzrok smrt i najčešće se dešava izvan bolnice . Stope preživljavanja su obično 2% - 10% nakon srčanog zastoja izvan bolnice. Ako obučene osobe koje su svjedoci naglog srčanog zastoja odmah pokrenu kardiopulmonalne reanimaciju (CPR), stope preživljavanja mogu se drastično povećati. Nakon naglog srčanog zastoja, moždane ćelije mogu tolerirati samo 3-5 minuta bez kisika. U gotovo svim slučajevima to je mnogo manje vremena od vremena potrebnog za dolazak hitne medicinske pomoći. Najbolji način da se poveća broj ljudi koji znaju započeti kardiopulmonalnu reanimaciju je tako što se djeca počnu obučavati u osnovnoj školi. Oni tada potrebne vještine nauče za čitav život a odlični su multiplikatori jer znanje prenesu na porodicu, prijatelje.
Drugu inicijativu koju podnosim. Ovim putem podnosim inicijativu a sanaciju, obnovu i adaptaciju toaleta u PRVOJ OSNOVNOJ ŠKOLI ILIDŽA. Obrazloženje: Navedenu inicijativu sam podnosila u 10.2019. godine, na koju je Ministarstvo odgovorilo da će se sredstva obezbijediti u 2020.godini. S obzirom da do današnjeg dana nije i vršena adaptacija, ponovo podnosim inicijativu i slike šaljem u prilogu. Učenički toaleti u navedenoj školi su u jako lošem stanju. Obzirom da je problem starih, dotrajalih instalacija i opreme u sanitarnim prostorijama škole prisutan već duži period, nadam se da će MONKS pristupiti rješavanju ovog problema. Zahvaljujem.

Predsjedavajući:
zastupnik Senad Hasanović.

Poslanik/zastupnik Senad Hasanović:
zahvaljujem predsjedavajući. Pozdravljam sve prisutne kao i gledaoce kraj malih ekrana. Evo cijeneći vrijeme ja ću usmeno postaviti samo jedno pitanje dok ću preostala dostaviti u pisanoj formi. Upućujem pitanje Ministarstvu unutrašnjih poslova. Vrlo slično pitanje je postavio i kolega Zvonko Marić, ali zbog važnosti teme ja ću pročitati svoje pitanje koje glasi: Molim za informaciju da li je u toku proces izmjena pravilnika o policijskim uniformama iz 2013 godine ili izrada novog pravilnika i kada se može očekivati da se na tendere za nabavku uniformi policijskih službenika mogu prijaviti i domaće firme koje proizvode uniforme? Na ovo pitanje molit ću pisani odgovor. Toliko i hvala.

Predsjedavajući:
Zastupnik Hamed Aljović.

Poslanik/zastupnik Hamed Aljović:

zahvaljujem predsjedavajući. Selamim i pozdravljam sve prisutne. Moje pitanje je upućeno prema ministru za saobraćaj Kantona Sarajevo. Da li je tačno da u projektu rekonstrukcije tramvajskih stajališta stoji da se uzemljenje od stajališta vezuje za šine tramvajske pruge? Zahvaljujem.

Predsjedavajući:

zastupnik Mahir Dević.

Poslanik/zastupnik Mahir Dević:

hvala. Ministarstvu privrede. Zašto je poništen najtransparentniji konkurs u KJ Sarajevo šume i da li su ostali isti uposlenici koji su radili prije toga koji su bili uposleni po stranačkoj liniji. Molim odgovor od ministra privrede Kantona Sarajevo. Ministarstvu za boračka pitanja pokrećem inicijativu da se izradi elaborat zaštite ratne džamije na Selištu, Čemerska planina mjesto Karaula. Mislim da ministar za boračka pitanja poznaje ovu lokaciju i da se napravi elaborat u ovoj budžetskoj godini o zaštiti navedenog lokaliteta. Kada će se konačno otvoriti OŠ na Šipu i zašto do sada nije otvorena? Da li imamo menadžment te škole u praznoj školi da radi i dobija platu kao što se to nekada u medijima predstavljalo? Ministarstvu obrazovanja. Vlada Kantona Sarajevo je odobrila četiri radna mjesta za konkurs u Ministarstvu za obrazovanje. Jedan je u toku, tri nisu iz kog razloga? Ali su angažovani ljudi na ugovor o djelu. Da mi se objasni njihov opis poslova i visina primanja koje imaju u tom ministarstvu. Ministarstvo MUP. Kada će se konačno otvoriti PU Srednje koja je izgrađena već duži vremenski period i stoji neotvorena. Ministarstvu kulture i sporta, kada ćete konačno ministre uplatiti 100.000 KM za izgradnju gradskog stadiona u Ilijašu, s obzirom da su to vrlo minorna sredstva u odnosu na projekat koji se realizira? Prema našim informacijama to još niste uradili a evo nalazimo se već što kažu s izvršenjem budžeta u posljednjem kvartalu. Želim usmeni odgovor na sva ova pitanja. Hvala.

Predsjedavajući.

Dopredsjedavajući Vibor Handžić.

Dopredsjedavajući Vibor Handžić:

zahvaljujem predsjedavajući. Dvije ću inicijative, odnosno inicijativu i pitanje i pročitati, a ostalo ću sve dostaviti u pismenom obliku. Podnosim inicijativu prema Ministarstvu saobraćaja Kantona Sarajevo i Direkciji za ceste KS za izradu i realizaciju projekta produženja postojećih isključnih traka prema naseljima na magistralnom putu M-18, koji prolazi kroz Grad Sarajevo i Općinu Ilidža. Ministarstvo saobraćaja je nedavno radilo jedan sličan projekat ali evo ja ovo je inicijativa za sveobuhvatni projekat. Obrazloženje: svjedočimo svakodnevnim gužvama na sarajevskoj centralnoj longitudinali, jednoj od najprometnijih saobraćajnica u Federaciji Bosne i Hercegovine. Iste nastaju zbog prevelike opterećenosti isključnih traka sa lijeve strane kolovoza u oba smjera magistralnog puta. Vjerujem da nadležno Ministarstvo i Direkcija imaju odličan uvid u otežanu prohodnost saobraćaja na navedenoj saobraćajnici. Pozivam vas da u saradnji sa Federalnim ministarstvom saobraćaja i JP Ceste Federacije BiH pripremite projekt produženja isključnih traka kako bi se saobraćaj rasteretio. Prema nekoj mojoj procjeni najveće gužve stvaraju se iz jednog pravca na isključenjima prema Dobrinji, Alipašinom polju, Grbavici, Otoci, Ilidži i drugom smjeru prema Pofalićima, Marijin Dvoru, Čengić Vili i Dolac Malti.

I drugo moje pitanje za ministra Vranića. Ovo što je pitala i zastupnica Šahman. Ja sam dobio upite od par korisnika vezano za ambulantu za fizikalnu terapiju koja je bila u Vrazovoj za područje Opštine Centar a prebačena je u prostorije na Kovačima. Koliko sam shvatio, jako nisu dobri uslovi za tu aktivnost koja se treba provoditi. To je jedno pitanje da se to vrati i

zašto se gore prebacilo? I drugo je pitanje zašto je ambulanta za fizikalnu terapiju za područje opštine Centar prebačena na teritorij opštine Stari Grad? Zahvaljujem.

Predsjedavajući:

zastupnica Segmedina Srna Bajramović.

Poslanik/zastupnik Segmedina Srna Bajramović:

hvala. Pa ja ne tražim usmeni odgovor danas. Pokrećem tri inicijative. Prva je Uredu za borbu protiv korupcije da u saradnji sa resornim ministarstvom i nadležnom inspekcijom prikupi sve informacije kako bi se utvrdila zakonitost ishoda dokumentacije za skladište kerozina na Dobrinji, s aspekta potencijalnih koruptivnih aktivnosti. Više je nego evidentno da građani vrlo jasno i javno ukazuju kako se radi o bespravnoj i nelegalnoj gradnji vrlo opasnog skladišta kerozina, što smo dužni detaljno provjeriti u smislu provođenja zakonom definisanih procedura. Također, pozivam nadležno ministarstvo da po funkciji nadzora dostavi svu neophodnu dokumentaciju sa svoje strane, te učini sve kako bi se navedeni projekat preispitao, jer profit bilo koga u ovoj zemlji ne smije biti ispred sigurnosti naše djece i zdravlja svih nas. Očekujem od nadležnih da održe sastanke sa građanima koji već mjesecima pokušavaju upozoriti institucije ove zemlje kako su njihova ljudska prava ugrožena.

Druga inicijativa je prema resornom Ministarstvu da se dostavi spisak svih zgrada u vlasništvu kantona, koje nisu u sistemu grijanja JP Toplane ili ne koriste plin kao gorivo. Obrazloženje: S početkom zime i grejne sezone, u Sarajevu se vrati stari-novi problem pod imenom "zagađenje zraka". Tako je za očekivati da će Sarajevo opet biti prvo na listi glavnih i velikih gradova svijeta sa najvišim indeksom zagađenosti zraka prema specijaliziranoj internetskim stranicama. Opšti cilj spiska je utvrđivanje prioriternih objekata na području Kantona Sarajevo koje smo dužni toplificirati modelom koji će doprinijeti smanjivanju zagađenja zraka. Jasno je da smo dužni krenuti od sebe kako bi imali legitimitet i kredibilitet u provođenju kampanja za podizanje opšte svijesti građana.

I moja treća inicijativa. Uzimajući u obzir da se nalazimo u kontinuiranoj borbi protiv Covid 19 koji je u svojim posljedicama izuzetno nepredvidiv, svjedoci smo da postoje stanja kada i respirator nije dovoljan da obezbijedi adekvatnu gasnu razmjenu, a bolesnik je i dalje životno ugrožen zbog neadekvatne oksigenacije organizma. Ovim putem pokrećem inicijativu prema Vladi KS da u saradnji sa ZZO KS i zdravstvenim ustanovama izvrši analizu potreba ECMO aparata u zdravstvenim ustanovama KS, te da u skladu sa rezultatima analize ukoliko se ukaže potreba pokrene proceduru nabavke ECMO aparata koji će omogućiti dodatni nivo opremljenosti u borbi zdravstvenih radnika sa teškim kliničkim slikama pacijenata, gdje respirator nije dovoljan. Toliko. Zahvaljujem.

Predsjedavajući:

zastupnik Elvis Vreto.

Poslanik/zastupnik Elvis Vreto:

hvala predsjedavajući. Koristim priliku da pozdravim sve prisutne kao i građane koji nas prate. Ja danas imam dvije inicijative. Prvu upućujem prema Vladi i Ministarstvu komunalne privrede, infrastrukture, prostornog uređenja, građenja i zaštite okoliša, kao i JU Za zaštićena prirodna područja KS Zavod za izgradnju KS. A odnosi se na za izgradnju novog i većeg parking prostora na Vrelu Bosne, rekonstrukciju postojećeg i planiranje sredstava u Budžetu za narednu 2022. godinu. Obrazloženje: Svjedoci smo da u ljetnoj sezoni, često znaju biti velike saobraćajne gužve na Vrelu Bosne zbog problema sa parkiranjem motornih vozila, posebno u dane vikenda. Veliki broj posjetilaca želi motornim vozilom do postojećeg parking prostora a što često uzrokuje gužve i zastoje. Obzirom na navedeno tražim od Ministarstva da razmotri inicijativu, zajedno sa Javnom ustanovom i Zavodom za izgradnju KS a ukoliko istu

podržava, da krene ka rješavanju ovog problema uz planiranje sredstava za narednu budžetsku godinu. Navest ću nekoliko razloga zbog kojih podnosim navedenu inicijativu sa prijedlozima možda budućih rješenja na razmatranje: 1. Novi parking prostor treba biti planiran i izgrađen po najnovijim tehnologijama zaštite okoliša a trebao bi se planirati što bliže raskrsnici kod skretanja prema Vrelu Bosne sa magistralne ceste. (M17) Trenutni parking prostor se nalazi u nukleusu spomenika prirode Vrelo Bosne, odnosno u zoni zaštite prirode kao i u vodozaštitnoj zoni, isti je neophodno rekonstruisati i zadržati kao prostor za parkiranje minibusa i autobusa kod organizovanih posjeta Vrelu Bosne. Ovim rješenjem će se višestruko smanjiti broj vozila u ovoj zoni, te doprinijeti i boljoj zaštiti izvorišta. Rekonstrukciju izvršiti uz upotrebu najnovijih tehnologija, ugradnjom bioprečištača na postojećem parkingu sa ciljem što bolje zaštite samog izvorišta i prirode u cjelini. Trenutnu pristupnu saobraćajnicu u dužini od oko 800 metara zatvoriti za saobraćaj uz omogućen prolaz autobusima kod organizovanih posjeta i za motorna vozila stanovnika tog područja. Po uzoru na Bijambare, turističkim vozićem posjetiocima omogućiti i alternativni način prevoza do samog Vrela Bosne. Novi parking prostor planirati i izgraditi uz prethodno rješavanje imovinsko pravnih odnosa od strane Zavoda za izgradnju a u saradnji sa Općinom Ilidža. Izgradnja novog i većeg parkinga na ulazu sa magistralne ceste stvoriti će i bolje preduslove za korištenje pojasa između Vrela Bosne i Rimskog mosta, uređenjem dodatnih šetnica, novih ulaza, a što će dodatno upotpuniti sadržaj za posjetioce. Jedna od opcija koju treba uzeti u obzir za buduće održavanje parking prostora je možda i koncesija, što bi moglo dodatno doprinijeti i punjenju budžeta KS. Tražim od Vlade KS, konkretno resornog ministarstva, Javne ustanove i Zavoda da inicijativu zajednički razmotre, u slučaju podrške da odmah pristupe implementaciji kroz planiranje sredstava, izradu idejnog rješenja i javne prezentacije.

Predsjedavajući:
vrijeme kolega Vreto.

Poslanik/zastupnik Elvis Vreto:
hvala predsjedavajući. Ovu drugu inicijativu ću uputiti u pisanoj formi. Odgovor također tražim u pisanoj formi na obadvije inicijative.

Predsjedavajući:
hvala zastupniku Vreti. Zastupnik Haris Zahiragić.

Poslanik/zastupnik Haris Zahiragić:
hvala predsjedavajući. Imao bih nekoliko pitanja s tim da moram podsjetiti na inicijativu koju sam podnio na prethodnoj sjednici Skupštine Kantona Sarajevo da se FK Željezničar dodijeli 100.000 KM. Nismo se o njoj izjašnjavali jer smo čekali mišljenje Vlade. Nadam se da je Vlada dala svoje mišljenje. Ali u svakom slučaju tražit ću da se o toj inicijativi ovdje danas izjašnjavamo.

Drugo zastupničko pitanje koje bih postavio je DZ i Ministarstvu zdravstva. Zašto su već drugi put u toku pandemije Centar za fizikalnu i medicinsku rehabilitaciju opštine organizacije DZ Centar ili organizacione jedinice DZ Centar, prebacili na Kovače? To je ambulanta koja nije adekvatno za takvu vrstu medicinskih usluga a imajući u vidu činjenicu da je veliki broj korisnika tih usluga zapravo RVI i invalidi generalno. Da je do ambulante na Kovačima onemogućen javni prijevoz, da nema adekvatan parking itd. Te se nadam da će ta stvar biti riješena na zadovoljstvo i DZ ali i organizacione jedinice medicinsko fizikalne rehabilitacije zbog čega su upali u veliki problem. Imao sam dopise i boračkih udruženja i velikog broja korisnika tih usluga, pa i samih uposlenika tog centra.

Imam pitanje za premijera Fortu. Moram vas podsjetiti prije nešto više, čini mi se u martu smo na moju inicijativu usvojili zaključak kojim smo obavezali Vladu da popularnom

Ramizu, sarajevskom beskućnikom dodijelimo manji uslovan stan na korištenje. Tada smo svi to izglasali međutim do dana današnjeg ništa tim povodom nije urađeno. Čovjek i dalje živi na ulici a zima samo što nije došla. Ja nisam želio da od te teme političku temu, na žalost ona je dospjela tada u javnost i sada građani Kantona Sarajevo opravdano zamjeraju i meni koji sam podnio inicijativu i nama u Skupštini iako mi više nemamo ni jednu nadležnost. Mi smo usvojili zaključak jednoglasno, moram pohvaliti sve kolege ali Vlada nikada nije ni pokušala implementirati taj zaključak. S tim u vezi molim je, i molim premijera Fortu da zaključke Skupštine koji su obvezujući za Vladu Kantona Sarajevo, a takav sigurno jeste, da ga implementiraju odmah dok nisu došli novi minusi, jer građani Kantona Sarajevo svaki dan kada vide Ramiza na ulici, prestanu vjerovati u institucije ove države. U konkretnom slučaju ovog Kantona. Ne želim da pravim medijsku temu od toga i molim vas i nadam se da će premijer Forto ipak naći za shodno da ispoštuje taj zaključak Skupštine. Kada je u pitanje odgovor ministra Vranića na pitanje o Listi lijekova, usmeno sam dobio odgovor. Opet nisam dobio zapisnik komisije. Dobio sam narativno odgovor, a nisam dobio odgovor da li postoji zapisnik. Sve su prilike da ne postoji. Pa eto molim i usmenim putem da mi se dostavi pismeni odgovor konkretno vezano za zapisnik komisije za listu lijekova.

I ono što na kraju, imao bih više inicijativa i pitanja, spremio sam ih, poslat ću ih u pisanoj formi, ono što ne mogu a da ne kažem ovdje da iskoristim priliku dok govorim da prije nekoliko minuta, prije petnaestak minuta, na skupštinskim hodnicima kolega Amel Mekić mi je opsovao mater i prijetio mi je da će me fizički udariti štocem, citiram. S tim u vezi podnosim inicijativu da ga prijavim. Predsjedavajući molim vas, predsjedavajući na hodniku se izvršio.

Predsjedavajući:

zloupotrebjavate mikrofona, ne dozvoljavam da radite. Pitanja i inicijative izvolite. Pitanja i inicijative. Ama pozovi nadležne organe pa onda. Pa kakve to veze ima. Imamo li još? Poslovnička intervencija zastupnik Zvonko Marić. Imamo prvo poslovničku intervenciju. Polako. Poslovnička intervencija zastupnik Zvonko Marić.

Poslanik/zastupnik Zvonko Marić:

zahvaljujem predsjedavajući. Budući da je evidentno nemamo ni kvoruma za rad ne znam šta da radimo dalje. Mislim da nemamo kvoruma ili pauza, ili džuma ili poslije džume ili nakon dva sata. Ali ovo već nema smisla. Nemamo ni kvorum.

Predsjedavajući:

može li služba da pozove zastupnike sa hodnika da uđu i zauzmu svoja mjesta kako bi se mogli izjasniti o većoj pauzi koju evo između ostalog je predložio kolega Marić. Imamo pauzu od pola sata na zahtjev Kluba SDA. A evo imamo i prijedlog za dužom pauzom zastupnik Zvonko Marić.

Jel želite da se izjasnimo o dužoj pauzi s obzirom da nam je džuma ili ćete kolega Deviću samo pola sata do džume? Kolega Deviću vi ste tražili pauzu pola sata. Jel ostajete na toj pauzi pola sata ili hoćete da uzmemo ovu dužu pauzu? Kolega Zvonko jel vi ostajete pri ovoj dužoj pauzi.

Pauza pola sata na zahtjev Kluba SDA.

NASTAVAK NAKON PAUZE

Predsjedavajući:

nastavljamo kratko sjednicu. Kolega Deviću možete obrazložiti razlog pauze.

Poslanik/zastupnik Mahir Dević:

hvala predsjedavajući. Klub SDA je tražio pauzu zbog vašeg nedemokratskog vođenja sjednica Skupštine Kantona Sarajevo. Na prethodnoj tački dnevnog reda ste dozvolili ovdje predsjedavajući da mene kolega Jakupović verbalno ovdje na ličnoj osnovi vrijeđa. Niste odreagovali. Nakon toga ste zabranili kolegi Zahiragiću da pokrene inicijativu prema Etičkoj komisiji nakon što mu je vaš kolega iz Kluba opsovao majku. Iz tog razloga smo tražili pauzu na sjednici Skupštine Kantona Sarajevo. Mi danas napuštamo ovu sjednicu Skupštine Kantona Sarajevo. Nek vam je na čast predsjedavajući vaše ponašanje i ovo na šta ste vi sveli Skupštinu Kantona Sarajevo. Hvala.

Predsjedavajući:

kolega Deviću meni je drago da je javnost imala priliku da vidi vaše ponašanje na današnjoj i na svim drugim sjednicama Skupštine tako da će javnost ocijeniti kome na čast njegovo ponašanje.

Mi nastavljamo dalje. Prekidamo današnju sjednicu Skupštine Kantona Sarajevo. O nastavku će javnost i zastupnici biti blagovremeno obaviješteni. Hvala vam, prijatno.

STENOGRAM
NASTAVKA 43. SJEDNICE ODRŽANE 03.11.2021.GODINE

Predsjedavajući Elvedin Okerić (u daljem tekstu predsjedavajući):
Himna BiH.

Pozdravljam uvažene kolegice i kolege zastupnike, članove Vlade i sve one koji prate današnji rad sjednice. Svima nama želim uspješan rad i ugodnu radnu atmosferu.

Prema evidenciji Službe sjednici prisustvuje 25 zastupnika što je dovoljan broj za punovažan rad i odlučivanje.

Izostanak sa ove sjednice pravdali su zastupnica Neira Dizdarević, zastupnik Sabahudin Delalić i zastupnik Pleho.

Podsjećam vas da smo na prethodnom zasjedanju obradili tačku 2. Dnevnog reda Prijedlog odluke o potvrđivanju imenovanja ministrice Ministarstva za nauku, visoko obrazovanje i mlade Kantona Sarajevo. Da smo na tački 2. Poslanička/zastupnička pitanja i inicijative i odgovori iscrpili listu prijavljenih zastupnica i zastupnika za podnošenje pitanje i inicijativa, te da su ostali još odgovori članova Vlade Kantona Sarajevo na postavljena pitanja. Stoga nastavljamo s realizacijom prve tačke dnevnog reda.

AD-1.

POSLANIČKA/ZASTUPNIČKA PITANJA, INICIJATIVE I ODGOVORI

Molim članove Vlade da daju odgovore na pitanja za koje je tražen usmeni odgovor. Vi možete sami formirati redoslijed da vas ja ne prozivam.

Ministrica pravde i uprave, izvolite imate riječ.

Ministrica Darja Softić-Kadenić:

hvala lijepa. Dobar dan predsjedavajući, dobar dan uvaženi zastupnici i zastupnice, dobar dan gledatelji i gledateljice. Ja sam imala pitanje na prošloj sjednici od uvaženog zastupnika Damira Marjanovića bilo je vezano za pojašnjenje Rješenja Ustavnog suda FBiH. Kako znate u toku je bio postupak ocjene ustavnosti Zakona o organizaciji i djelokrugu organa uprave Kantona Sarajevo. Prije nego što je taj postupak okončan, dakle dok je on još uvijek bio u toku je ova Skupština usvojila novi Zakon o ministarstvima i drugim organima uprave Kantona Sarajevo. Tim zakonom je stavljen van snage Zakon o organizaciji i djelokrugu organa uprave. Znači on je time prestao da važi, čime su se stvorile pretpostavke za primjenu člana 42. Poslovnika o radu Ustavnog suda FBiH; što je Ustavni sud i uradio i donio rješenje o obustavi postupka sa obrazloženjem da je predmetni akt koji je bio predmetom ocjene prestao da važi, znači on više u pravnom poretku ne postoji, pa s tim u vezi onda i njegova ocjena ustavnosti na neki način postaje bespredmetna. Ustavni sud se pozvao na taj član svoga Poslovnika i donio rješenje kojim je postupak obustavljen. I time je on, mislim na neki način okončan a Zakon o ministarstvima važi s obzirom da je usvojen na ovoj Skupštini. Molim.

Predsjedavajući:

zahvaljujemo se ministrici Kadenić-Softić. Ministar Samir Avdić.

Ministar Samir Avdić:

hvala predsjedavajući. Bila su dva zastupnička pitanja uvaženog zastupnika Mahira Devića i mislim da je bila inicijativa uvaženog zastupnika Harisa Zahiragića. Prvo je bilo pitanje zastupnika Mahira Devića vezano za dodjelu sredstava kada e u pitanju projekat izgradnje, odnosno završna faza izgradnje stadiona u Ilijašu. Taj sporazum ćemo potpisati iskreno vjerujem već naredne sedmice. Sredstva će biti transferirana na vrijeme u iznosu od 100.000. A Rebalansom je predviđeno još dodatnih 70.000 KM kako bi se ugradile i postavile stolice na stadion. Inicijativa od strane zastupnika Harisa Zahiragića da se dodijeli 100.000 KM FK Željezničar za njegov 100 rođendan. Moram da vas izvijestim da informaciju koju imam da su

trenutno svi, a što ste mogli pročitati iz medija, trenutno svi na žalost računari FK Željezničar blokirani, tako da ne možemo uraditi taj transfer ali u svakom slučaju iz tekućih grantova imamo namjeru ta sredstva dodijeliti. Hvala.

Predsjedavajući:

zahvaljujemo se ministru Avdiću. Ministar privrede Adnan Delić. Izvolite imate riječ.

Ministar Adnan Delić:

hvala predsjedavajući. Pozdravljam sve uvažene zastupnike i sve one koji nas prate putem malih ekrana. Ja sam imao dva pitanja. Prvo pitanje je bilo od uvaženog zastupnika Mahira Devića. Ja ću ga pročitati da gledaoci i svi ovi koji prate znaju o čemu se radi. Zašto je poništen najtransparentniji javni konkurs u KJP Sarajevo šume i da li su ostali isti uposlenici koji su radili i prije toga i koji su upošljavani po stranačkoj liniji? Konkurs je poništen zbog neusaglašenosti Poslovnika i pravilnika o konkursnoj proceduri grešaka u protokolu supervizora. Što se tiče radnika to su uposlenici koji su već od ranije zaposleni i govorimo o radnicima koji se bave isključivo proizvodnim sektorom. Ovo je, slažem se s konstatacijom, najtransparentniji javni oglas u Sarajevo šumama za razliku od prethodnog putem kojeg su zaposleni stranački kadrovi, a to je dokumentovala KUIP i Ured za borbu protiv korupcije. Ovaj oglas je poništen i novi će biti raspisan i svima vama će biti dostupno sve što se tiče tog javnog poziva. Možete da pratite svaki detalj i eventualno ukoliko uočite bilo kakvu nepravilnost možete da ukažete na istu i budite uvjereni da će one biti sve otklonjene u vrlo brzom roku. A nadamo se da ih neće naravno ni biti. Drugo pitanje je postavila uvažena zastupnica Jasna Duraković. Da li postoji plan Vlade Kantona Sarajevo za suzbijanje divljanja cijena hrane. Vidimo da je to veliki problem, posljednjih par mjeseci su jako skočile cijene hrane namirnica, naročito ovo poskupljenje zabilježeno u poljoprivrednim proizvodima. Da li Vlada Kantona Sarajevo može djelovati povećanjem poticaja u poljoprivredi i drugim sličnim mjerama i postoji li spreman plan da se na vrijeme djeluje. Mi imamo odluku Vlade Kantona Sarajevo putem koje se definišu određene zakonske marže na osnovne marže od značaja, to se prije svega odnosi na hljeb brašno, ulje i šećer i mi smo odmah u martu nakon što je FBIH najavila određene izmjene uputili inicijativu i federalnom nivou ali i našoj KUIP da se izvrši nadzor nad cijenama u Kantonu Sarajevo. Inspekcijski nalazi su pokazali da svi poslodavci na području Kantona Sarajevo kreiraju cijene shodno zakonskim maržama. To se prije svega odnosi na osnovne životne namirnice nad kojim mi imamo i nadležnosti. Kada su aktivnosti Vlade Kantona Sarajevo u pitanju mi smo već u ovom Budžetu za 2020 godinu povećali iznosi za poljoprivredne podsticaje, otkupili smo sve tržišne viškove naših poljoprivrednih proizvođača i oslobodili smo ih plaćanja, odnosno pravdanja računa za sadni materijal, što je uveliko povećalo aplikaciju na poljoprivredne proizvode na području Kantona Sarajevo i samim tim povećalo obim poljoprivredne proizvodnje. Ja se nadam da će i skupštinska većina i Vlada Kantona Sarajevo i u narednom periodu prepoznati značaj poljoprivredne proizvodnje na području Kantona Sarajevo i da ćemo u narednom Budžetu izdvojiti značajnija sredstva. Ono što je bitno napomenuti jeste da mi radimo sistematski i u narednom periodu ćemo imati i izmjene i dopune Zakona o poljoprivrednim podsticajima na području Kantona Sarajevo kako bi unaprijedili poljoprivrednu proizvodnju i napravili ambijent da ne zavisimo od uvoza nego da imamo određene svoje proizvode. To je to. Hvala.

Predsjedavajući:

zahvaljujemo se ministru Deliću. Da li ima još neko od ministara? Ne. Zastupnik Mahir Dević.

Poslanik/zastupnik Mahir Dević:

hvala predsjedavajući. To je sada nezadovoljstvo odgovorom, jel tako? Vezano za odgovor ministra Avdića, to mi je jasno, OK. Ja sam to ministra Avdića pitao zbog male sume novca uzimajući u obzir da je to možda najveći kapitalni infrastrukturni projekat u Kantonu Sarajevo koji se mogao privesti kraju, ali evo. Što kažu našao je tih sredstava koliko je našao. Ministar Delić možda se nismo razumjeli najbolje. Vi ste imali situaciju da je u tom KJP Sarajevo šume raspisan konkurs koji je proglašen najtransparentnijim kao najboljim, onda je poništen. Ne možemo tvrditi da je on bio transparentan jer je poništen, znači nije uopće proveden. A onda smo imali situaciju da su primljeni isti ljudi po drugi put na ugovor o djelu što je suprotno Zakonu. Znači u tom smislu se možda nismo ministre najbolje razumjeli. Moje pitanje je bilo da li su ti ljudi po drugi puta primljeni isti kršeći Zakon? Tako da možda i ja nisam najbolje formulisao tako da je to ustvari bilo moje pitanje. Ali evo u suštini s vašim odgovorom sam zadovoljan kada je ova tema u pitanju. Ali evo čisto da vas informišem da to ne može tako. Znači ne možete iste ljude uzimati dva puta na ugovor o djelu. A o stranačkim pripadnicima koji su šta su, ja sam se tu javno i oglasio jer je bilo rečeno da to nije stranačko zapošljavanje. Naravno da jeste stranačko zapošljavanje, kao što je bilo i ono prije. Uvijek ima neke veze sa strankama, ali je to bilo predstavljeno da je najtransparentnije pa sam iz tog razloga imao potrebu zaista da reagujem. Znači imate kršenje Zakona tamo ministre, to je informacija za vas i za direktora tog KJP da to ne može tako po Zakonu. Da vam dođe inspekcija rada to bi utvrdila za pet minuta da je tako. Hvala.

Predsjedavajući:

zastupnik Dževad Poturak.

Poslanik/zastupnik Dževad Poturak:

zahvaljujem predsjedavajući sve vas selamim i pozdravljam. Ja sam očekivao danas odgovore ovdje u Skupštini, ovoj sali međutim očigledno je da nema niko ispred Opće bolnice (OB) da kaže činjenično stanje, da mi se ponude neki odgovori. Ono što sam vidio da sam a i vi svi sigurno da se desilo to da sam dobio neke odgovore putem portala što nije nimalo profesionalno. Ja bih volio da se menadžment na čelu sa direktorom OB pojavi ovdje danas jer mislim daje to u redu a da nimalo mi se ne sviđa taj način piskaranja putem društvenih mreža i putem portala. Ja ne znam da li je možda uvaženi menadžment ili direktor da li su ovdje možda u hodniku predsjedavajući. Ja ne znam da li je neko od ljudi iz menadžmenta OB da li je prisutan. Možda je ovdje negdje u hodniku, možda čeka iza ćoška ili šta ja znam, vreba ili nešto. Jer nama se spočitava nama iz Kluba SBB da je ko biva on je vaš, naš čiji je. Pa ako eto ako je on ko biva naše derište, tj da je postavljen ispred SBB onda neka se ne ljute oni drugi što mi svog što bi se reklo maksuma korigujemo i tjeramo na ispravan rad. Na stranu zasluge, na stranu sve živo život ide dalje, mi tražimo da se radi. Mi iz Kluba SBB samo tražimo ispravnost, korektnost prema pacijentima. Na kraju krajeva prema građanima Grada Sarajeva i BIH. I sve ovo govorim u ime naroda i evo opet vidim jednu nekorektnost. Nema niko iz OB da kaže slovo. A imam još mnogo pitanja upravo za OB. nisam ljut ja na taj menadžment ali postavlja se pitanje da li mi znamo raditi taj posao ili ne znamo. Ukoliko ne zna raditi neko taj posao daj da neđemo ljudi nekoga ko zna. Ko umije. Zahvaljujem predsjedavajući.

Predsjedavajući:

hvala kolega Poturak. Zastupnik Zvonko Marić.

Poslanik/zastupnik Zvonko Marić.

Zahvaljujem predsjedavajući. Dame i gospodo, drugarice i drugovi, poštovani građani Kantona Sarajevo prije svega. Ali evo pojavio se premijer Forto očekujem pitanja koja smo

postavili a tu je vidio sam i ministar Katica zbog toga sam se javio jer nisam dobio odgovor na pitanja. A prošli put kada smo, prije nego što ste prekinuli sjednicu, premije Forto je rekao da su i ministri citiram ga i on spremni ko puška da može odgovoriti na ona pitanja koja smo postavili. Hvala.

Predsjedavajući:
izvolite premijeru, imate riječ.

Premijer Edin Forto:

dobro jutro svima. Pošto smo prošli put prekinuli tačno kada smo trebali da damo odgovore, ja ću samo ponoviti ono što sam zapisao kao usmena pitanja za mene i za Vladu, pošto su tu resorni ministri ja ću njima prepustiti da odgovore. Ali ja ću vam sada pročitati o kojim pitanjima se radi a vi ispravite ako nešto nije u redu. Zastupnica Bišćević-Tokić šta je sa kolektivnim ugovorom u zdravstvu? I šta je sa PS Reljevo? Zastupnik Marić planiramo li nove uniforme jer postojeće nisu u skladu sa zakonom? Zastupnik Dević šta je sa školom u na Šipu? I šta je sa ugovorima o djelu u Ministarstvu odgoja i obrazovanja? I zastupnik Zahiragić dodjela stana za individuu što je Skupština donijela ovdje kao zaključak. Znači dodjela stana. Tako da evo ja ću sada pozvati pošto su tu svi resorni ministri, pozvat ću ih da odgovore. U slučaju da želite od mene konkretne odgovore, ja isto mogu odgovoriti na sva ova pitanja. Evo ja bih pozvao možda prvo ministra Vranića samo da kaže vezano za kolektivni ugovor u zdravstvu pa možemo po redu ovih pitanjima. Hvala vam.

Ministar Haris Vranić.

Dobro jutro uvaženi predsjedavajući, zastupnici, zastupnice, građani. Dakle što se tiče kolektivnog ugovora vi ste pitali kolegice. U jednom momentu je sindikat uposlenika izgubio reprezentativnost sada su na sudu, oni su to nešto vratili ponovno vratili na ponovno vijećanje. Mi smo imali dogovorene sastanke u nastavku pregovora sa sindikatom zaposlenika u zdravstvu. Međutim u našem timu koji je vladin tim u kome su bili ministrica socijalne rada i ministrica pravde su bile na bolovanju, bile su odsutne, tako da smo te sastanke odložili za iduću sedmicu. Tako da će se pregovori nastaviti iduće sedmice kako će ići dalje ja vam ne mogu reći ali mi se evo trudimo da završimo napokon te pregovore. E hvala.

Predsjedavajući:
ministar Admir Katica izvolite imate riječ.

Ministar Admir Katica:

hvala lijepa predsjedavajući. Lijep pozdrav vama lijep pozdrav svim zastupnicama i zastupnicima u Skupštini Kantona Sarajevo, građankama i građanima Kantona Sarajevo. Ja sam imao dva pitanja. Jedno se odnosi na policijsko odjeljenje u Reljevu, tako je formulisano pitanje. U suštini to je pitanje donošenja novog pravilnika o unutrašnjoj organizaciji i sistematizaciji radnih mjesta, MUP to pri kraju je donošenju tog pravilnika. Dio koji se odnosi na Upravu policije donosi se na osnovu prijedloga UP, taj prijedlog je dostavljen i u toku je utvrđivanje tog prijedloga. Ja ne bih sada da prejudiciram bilo šta, niti da dajem konkretan odgovor. Bit će završen pravilnik. Kada bude završen pravilnik i donesen mi ćemo svakako informisati i Skupštinu i javnost o tome kako su riješena pojedina pitanja u ovom pravilniku. Što se tiče policijskih uniformi mi imao već duže vrijeme problem sa primjenom Uredbe o jedinstvenoj policijskoj uniformi na području cijele FBiH i u toku je na nivou FBiH to je inicirano od strane policijskog komesara MUP Kantona Sarajevo inicirano donošenje nove jedinstvene policijske uniforme za područje cijele FBiH ta jedinstvena policijska uniforma i bila na višem nivou i po pitanju kvalitete po pitanju svih drugih karakteristika koje je potrebno za policijske službenike. I s obzirom da se to očekuje vrlo brzo ja sam kontakte na

nivou FBIH po tom pitanju očekuje se vrlo brzo da nude i s obzirom na to, čim se to donese Uprava policije će ići u nabavku ovih policijskih uniformi. Ono što treba reći da je Vlada Kantona Sarajevo i Skupština Kantona Sarajevo kroz Budžet za Upravu policije predvidjela ova sredstva i prethodne, međutim dakle pitanje ove formalno pravne naravi, ali i suštinske naravi zato što ćemo dobiti te nove policijske uniforme koje su po kvalitetu sigurno puno bolje mnogo što su ove do sada i ne samo s aspekta obuće i s aspekta one uniforme, i bit će jedinstvena za područje cijele BiH ne samo po boji nego i po kvalitetu tih policijskih uniformi. Evo ja se nadam da sam odgovorio.

Predsjedavajući:

zastupnik Mahir Dević je imao čini mi se maloprije jednu primjedbu prije kolege Poturka ili je ovo nešto novo. Uključite zastupnika.

Poslanik/zastupnik Mahir Dević

mislim da premijer predsjedavajući nije pročitao moje pitanje ili ga je zaboravio. Postavio sam pitanje na posljednjoj sjednici Skupštine koju smo prekinuli a pošto je ministar MUP tu kada će se konačno otvoriti PS u Srednjem. Mislim da sam to pitao. Možda vi to niste zabilježili.

Predsjedavajući.

Jeste ja se sjećam da ste pitali. Evo pozivam ministra ako može da da odgovor.

Poslanik/zastupnik Mahir Dević:

evo predsjedavajući se sjeća da sam postavio možda niste vi uspjeli zabilježiti pa bih zamolio da budete ministre malo precizniji. Objekat je izgrađen znate sami da se u to ulagalo i u prošloj Vladi i evo vrijeme da se to otvori. Možemo li dobiti tačan neki vaš plan kada ćete to otvoriti jer vidim kroz Rebalans da to pitanje niste tretirali. Hvala.

Ministar Admir Katica:

hvala vam puno na tom pitanju. Znam da vi već više puta ste postavljali to pitanje. Ja bih volio da vam mogu sada dati konkretan i decidan odgovor. Ja to ne mogu. Trenutno je utvrđivanje pravilnika o unutrašnjoj organizaciji i sistematizaciji radnih mjesta. On će dati odgovor na to pitanje u formalnom pravnom smislu od kojeg ovisi i ovo suštinsko. Što se mene tiče ja smatram da bi trebalo pokriti to područje PS kako će biti formulisano ne znam. Da li odjeljenje da li stanica, kako god, no ipak vidjet ćemo. Da ne dajem decidan odgovor, nemojte mi zamjeriti ja bih ovako odgovorio sada za sada. Hvala vam.

Predsjedavajući:

hvala ministru Katici. Ministrica Hota-Muminović izvolite imate riječ.

Ministrica Naida Hota-Muminović:

hvala lijepo uvaženi predsjedavajući. Dopredsjedavajući, zastupnici i zastupnice. Pitanje je bilo vezano za OŠ Šip. Od održavanja posljednje Skupštine do danas ovog nastavka škola Šip je i svečano otvorena. A i faktički otvorena 01. novembra u ponedjeljak. Otvorila je svoja vrata za prve učenike tako da evo i taj proces je finaliziran. Drugo pitanje odnosi se na ugovore o djelu u Ministarstvu za odgoj i obrazovanje. Mi pripremamo nešto detaljniju analizu. Ministarstvo radeći naravno svoje poslove u okviru svojih nadležnosti ima poslove kao i mnogi drugi organi uprave koje realizira putem ugovora o djelu i ugovora o privremenim i povremenim poslovima. Tako da ćemo dostaviti detaljniju analizu. Hvala.

Predsjedavajući:

zastupnik Dževad Poturak jel neko nezadovoljstvo? Uključite zastupnika.

Poslanik/zastupnik Dževad Poturak:

ja ću iskoristiti priliku da pozovem ministra Vranića i da mi upravo ministar Vranić ponudi bar neke odgovore a znam da je upoznat sa situacijom jer je isti ministar radio u OB i ja bih ga zamolio da evo iskoristim priliku bar jednu minutu neka kaže ove neke osnovne stvari šta se trenutno dešava i da li nešto može bolje. Ja želim samo da se uradi nešto bolje jer mi iz SBB želimo samo bolje i dobro građanima Kantona Sarajevo.

Predsjedavajući:

ministre Vraniću da li želite ponuditi odgovor s obzirom da nije vama upućeno. Možete li ponoviti pitanje, evo da vam izađemo u susret.

Poslanik/zastupnik Dževad Poturak:

uvaženi ministre vi znate da sam ja na prošloj sjednici postavio niz pitanja. Ali evo iz svog ugla recite nam nekoliko riječi o verifikacijama o mobingu u OB, o stanju sa liftovima o opštem stanju Opće bolnice.

Ministar Haris Vranić.

Hvala lijepo predsjedavajući. Dakle onoliko koliko ja znam ovaj niz pitanja koja ste postavili, ne mogu tačno da se sjetim koja su bila pitanja. Ali znam da ste postavili više tih pitanja, da ste pitali da li ima servisnih ugovora o opremi, šta je bilo sa kvarom? Ja mislim da na to pitanje će najbolje odgovoriti direktor OB. ono što ja znam, znam da e bio problem sa tim servisnim ugovorom, da im nije bilo tih servisnih ugovora. Desio se taj kvar na magnetnoj rezonansi, na žalost nije bilo ugovora sklopljenog sa tom firmom za servisiranje. Ja mislim da je direktor formirao komisiju da se ustanovi čijom je greškom došlo do kvara tog magneta. Za mobing ne znam tačno nemam nekih informacija osim što dobijam anonimne prijave na koje ja ne odgovaram. Dakle uvijek tražim da se neko očituje sa imenom i prezimenom ako već nešto prijavljuje. Da li je bolnica. Rekli ste da ima na računu. Ja koliko znam, dat će to direktor bolje, ja mislim po zadnjem podatku da ima nešto 4,3 miliona. Na računu OB. od toga je dug nekih 3.600.000 prema ne znam serviserima dobavljačima već šta se duguje. To je ono što ja znam šturo. OB nije nelikvidna, ima sredstava, nije u nekom minusu. To je ono što ja znam iz ovih izvora koje ja mogu da dobijem. Direktor će vjerovatno u svom izlaganju znati daleko više nego što ja znam. Eto to je da je obim posla povećan. Koliki je broj operativnih zahvata, ne znam prijema, otpusta. I to je povećano, covid odjeljenje je otvoreno i ono prima sada covid bolesnike. Nešto više da vam ja sada znam, nekih podataka, osim ovih šturih podataka informacija koje ja imam nezvanične, odnosno poluzvanične informacije ne bi bilo korektno da ih ja iznosim, a da nisu one potpuno provjerene. Ove podatke koje sam vam ja iznio oni su provjereni, a ove ostale podatke ne znam o navodnim mobinzima i tim servisnim ugovorima, znam da ih nije bilo, da li su u međuvremenu sklopljeni ti ugovori servisni za održavanje te opreme, liftova, ili šta j znam. To će vjerovatno vam znati bolje reći direktor. Ja mislim da jesu oni sada u nekom pregovaranju. Ne znam eto ako imate neko dodatno konkretno pitanje ali ovako. Evo to je sve što sam ja.

Predsjedavajući:

zahvaljujemo se ministru Vraniću. Zastupnik Zvonko Marić čini mi se izrazio nezadovoljstvo odgovorom. Molim ministra Katicu da ponudi jesam li u pravu?

Poslanik/zastupnik Zvonko Marić.

Zahvaljuje predsjedavajući. Ne mogu reći da sam nezadovoljan odgovorom ministra Katice, to ne mogu reći zaista. Ali bojim se da nije čuo dio pitanja koji je za mene značajniji nego ta protiv zakonitost. Vi sami znate kada je bio ministar Budimlić te uniforme koje su tada nabavljane a bile su sukladno Uredbi sa federalne razine, a vi ste to pomenuli da se sada usaglašava i čak su bile protivzakonite i koje su nabavljane crna boja. Apsolutno nije stajalo. Ali one uniforme iz političkih razloga to smo kasnije vidjeli da su uniforme bile radioaktivne tobože, da će ići u Sloveniju na vještačenje i te gluposti. Ja samo sam pokrenuo ovo pitanje iz razloga što je u lošem stanju uniforma. Ne zato što je protiv zakonito nego vi ste sami svjesni sedam osam godina i ona je potrošena na svaki mogući način obuća i ne dopustivo je da pripadnici policije od kojih očekujemo jako puno idu tako u nekim uniformama koje su apsolutno pohabane, neuredne pocijepane, sami se brinu da obuću zakrpe da kažem, nose obućaru itd. U tom ja govorim. To je demotivirajući faktor. Ja zahvaljujem što vi imate namjeru odgovorili ste na moje pitanje da nabavite moje uniforme, ali čekate eto da se usagласi. Usaglašeno je to i ranije bilo. Dakle to je tamno plava boja, jasno je bilo. Ali što je prekršeno niko nije odgovarao pa se crna uniforma nabavila, pa ako se sjećate ja sam rekao isto kao da je paravojna formacija ulicama Sarajeva u crnoj uniformi. Ako se sjećate to sam i govorio.

Predsjedavajući:

hvala kolega Mariću. Zastupnik Mahir Dević. Nezadovoljstvo odgovorom ministre.

Poslanik/zastupnik Mahir Dević:

Mislim da nije ministrica tu bila kada sam ja ovo pitanje postavio. Budite malo precizniji ministrice. Da li novo-otvorena škola za koju kažete da je počela sa radom 1.11. ima sljedeću dokumentaciju: da li je upisana u sudski registar? Da li je ta škola upisana u Registar Ministarstva osnovnog odgoja i obrazovanja na bazi tog rješenja? Da li je počela sa radom u skladu sa pedagoškim standardima i sa zakonom osnovom odgoju i obrazovanju s obzirom da smo u medijima pročitali da ima 80 učenika a znamo da je za školu potrebno 18 odjeljenja da bi počela sa radom s obzirom da ste vi odlučili da napravite ovo otvaranje negdje u pola školske godine. O ovom namješčaju koji ste vozali iz područnih škola iz cijelog Kantona da bi ste napravili to neko svečano otvorenje neću govoriti. Naravno želim precizne odgovore da li je ovo sve urađeno u skladu sa zakonom i još jedno pitanje. Da li ta škola ima upotrebnu dozvolu do 01.11. znači to su ta četiri pitanja. Molio bih da mi to precizne odgovorite. Naravno ja ću tu svu dokumentaciju tražiti naknadno da mi se dostavi da uporedim te datume da vidim da li je to tako. To ću na narednoj sjednici Skupštine tražiti sve te papire da mi dostavite.

Predsjedavajući:

zahvaljujem. Zamolio bih ministricu Hotu-Muminović da pripremi odgovor pismenim putem da dostavite zastupniku Deviću. Zastupnik Sead Milavica.

Poslanik/zastupnik Sead Milavica.

Hvala predsjedavajući pozdravljam sve prisutne. Dakle samo da izrazim jedno negodovanje. Nisam dobio nikada odgovore na pitanja koja sam postavio još prethodnu Skupštinu. Naime pitao sam pitanja su bila usmjerena prema Ministarstvu zdravstva odnosno i prema Vladi a ta pitanja su bila u vezi sa PCR testovima. Koje su firme najveći uvoznici PCR testova u Kantonu Sarajevo? Da li imamo dovoljno PCR testova u Kantonu Sarajevo? Koliko KC radi PCR testova, koliko privatne zdravstvene ustanove po ugovoru, i koja je razlika u cijeni? Koliko plaćamo privatnim zdravstvenim ustanovama za PCR testove? Eto toliko. Ako može

ministar da ponudi odgovore ako ne, evo ne znam zaista. Možda neko iz ZZO ili neko, nemam pojma. Hvala.

Predsjedavajući:

ministar Vranić kaže da može dati odgovor vrlo kratko, izvolite.

Ministar Haris Vranić:

hvala uvaženom zastupniku Milavici. Poslali smo upit prema ZZO da tačno znamo na ovo vaše pitanje prvo ko je najčešći dobavljač od koga se kupuju PCR testovi. Još uvijek nismo dobili odgovor. PCR testova trenutno imamo više nego dovoljno. I druga stvar koliko KC radi testova. Gro svih tih testova, brisevi koji se uzmu uradi KC zbog toga što su oni još jedan dodatni aparat aktivirali tako da oni mogu ja mislim raditi negdje oko 1000 do 1200 testova dnevno. Tako da su privatne ustanove koje su bile prije angažovane po ugovoru za testiranje one više nisu u potrebi da se angažiraju. Sve testove koje rade, rade se na nivou Zavoda za javno zdravstvo. Oni rade manji obim testiranja nekih 80 do 100 testova dnevno. Ostatak radi KC. Onog momenta ako se ukaže potreba. Ja se nadam da se neće ukazati potreba onda ćemo naravno ići u tom smjeru da se angažuju ponovo ove privatne laboratorijske kuće. Hvala.

Predsjedavajući:

ministricice Hota-Muminović imate li potrebu da odgovorite usmeno. Izvolite.

Ministrica Naida Hota-Muminović:

pošto su pitanja konkretnija ja se izvinjavam što sam dala širi odgovor. Naravno da je škola Šip upisana u sudski registar, naravno da je potom upisana u registar koje vodi Ministarstvo. Naravno da ima upotrebnu dozvolu. Pedagoški standardi i normativi predviđaju i izuzeće od primjene. Zakon ih predviđa u skladu sa odlukom Ministarstva. I to je moguće jer postoje mnoge škole koje djeluju ispod pedagoških standarda ili iznad pedagoških standarda u Kantonu Sarajevo. Pitanje namještaja opremanja škole naravno da je i to jedan standardni dio procedure, odvija se u skladu sa zakonom o javnim nabavkama i to će biti riješeno uskoro. Sada za sada škola ima sve što treba. I sama činjenica da već imamo stotinjak učenika odnosno porodica koje su djecu upisale tu, govori da je zaista goruća potreba tog naselja. Hvala.

Predsjedavajući:

nastavljamo dalje. Završili smo ovaj dio odgovori na postavljena pitanja zastupnika.

Na prošloj 43. radnoj sjednici imali smo jednu inicijativu od zastupnika Zvonke Marića za koju se Skupština nije izjasnila i uputila je prema Vladi. Ja ću je ostaviti na ovoj sljedećoj sjednici gdje će se Skupština izjasniti da li da ide prema Vladi s obzirom da ima ovdje i finansijska konstrukcija. Kolega Marić je ovdje. Upravo sam sada govorio o vašoj inicijativi koju ste podnijeli na 43. radnoj sjednici. Inicijativa nije prosljeđena Vladi zato što se Skupština nije stigla prošli put izjasniti da je prosljeđimo. Tako da na ovoj narednoj sjednici će biti prosljeđena prema Vladi vaša inicijativa o izjašnjenju. Zastupnik Zvonko Marić.

Poslanik/zastupnik Zvonko Marić:

predsjedavajući tamo riječ ili izraz razmotri mogućnost je sasvim dovoljna i tu nije imperativ da Vlada se o tome izjašnjava. A očekivao sam da se izjasnimo ovdje jer naprosto od odgovora odnosno načina kako će bit glasano vezano za ovu inicijativu ovisit će i moja druga pitanja neka za sljedeću sjednicu koja namjeravam da postavim. I bojim se doći će do svojevrstnih peripetija. I ako je moguće bez obzira na bilo šta neka se izjasne zastupnici vezano za to da kao inicijativa ode da Vlada razmotri i da nam odgovor. Jer tu nije imperativ

da Vlada to mora da uradi nego da nam da odgovor da razmotri ono o čemu sam ja u inicijativi pisano vezano za studente.

Predsjedavajući:

s obzirom da se u vašoj inicijativi spominje procentualno smanjenje školarine za akademsku 2021/2022 godinu.

Poslanik/zastupnik Zvonko Marić.

... procenat koji sam ja tamo naveo da se razmotri mogućnost. Jer bojim se da ćemo na sljedećoj sjednici imati problem.

Predsjedavajući:

stavljam inicijativu zastupnik Zvonke Marića na glasanje. Zbog stenograma ću ponoviti. S obzirom da u tekstu stoji razmatranje Vlade o procentualnom smanjenju školarine, što je ne obavezuje da prihvati, ne prihvati, tako da stavljamo ovu inicijativu na glasanje. Molim zastupnike i zastupnice da se izjasne. Zbog stenograma pročitat ću inicijativu.

Obavezuje se Ministarstvo visokog obrazovanja da u saradnji sa Komisijom za visoko obrazovanje i predstavnicima studenata izvrše nadzor nad provođenjem Zakona o visokom obrazovanju u vezi sa normama koje se odnose na plaćanje članarine bibliotekama, tretiranju studenata sa poteškoćama u radu i studenata sa invaliditetom na UNSA. Isto tako da izvrše nadzor nad naplatom 20 KM za potrebe sistema. Također zbog pandemije nastava se odvijala u specifičnim okolnostima bez mogućnosti da studenti koriste kapacitete za vježbe, no i pored toga studenti su morali platiti za nešto što nisu koristili. Budući da su mnogi diskriminirani zbog odluke da ne mogu prenositi predmete u željenu akademsku godinu, a imajući u vidu da im je nanesena materijalan šteta podnosim inicijativu da Senat UNSA, UO UNSA i Vlada Kantona Sarajevo razmotre procentualno smanjenje školarine za akademsku 21/22 godinu.

Molim zastupnike da se izjasne. Molim službu da objavi rezultate glasanja.

Za je glasalo 26 zastupnika, protiv i suzdržanih nije bilo.

Konstatujem da je Skupština usvojila ovu inicijativu.

Obzirom da smo iscrpili sve tačke današnje sjednice zaključujem rad na 43. Radnoj sjednici i zahvaljujem se uvaženim kolegicama i kolegama.